

**TONG INTHENGA  
BEKRUP**

(Kom)

**By  
J.C.Choate**

**Published by:  
World Evangelism Publications  
Winona, Mississippi**

© Copyright, World Evangelism Publications

This printing - 5,000 copies - 2023 – **Kom**

**InDesign Layout:** Shane Fisher

**Translated by:** L. Amlal Kom

**WhatsApp number:** (+91) 9862848837

**Phone number:** (+91) 9862848837

**Email:** amlalkom@gmail.com

**Websites:**

[www.worldevangelismlibrary.org](http://www.worldevangelismlibrary.org)

[www.gospelgazette.com](http://www.gospelgazette.com)

[www.worldevangelism.org](http://www.worldevangelism.org)

[www.worldevangelismmedia.com](http://www.worldevangelismmedia.com)

**Printed by:**

World Evangelism Publications

Winona, MS 38967

HIVA LEKHABU HI CORRESPONDENCE VANG (ṬONGDER LE MASONNA) PATHEN ṬONG ANCHU NOM HEI SIK ṬONGH-LAMSÂT KAE.

Hiva mangchâk hi Bible leh inthuaia katha teisôt roh, khana para rakip shunga a'npêk ṭongder leh ṭong mason heisika lekha inkhat sasam lo inna ahlop-hlopa mason hei roh. Para 1,2 achang mak leh ahma'n keipenna nateisôt para hei kha, achung mantong hei roh, lekha kha a'nhmang mak nasik kathâ-a dôroh, khana ṭongder namasonna lekha kha na oja hneng tîrsôt roh. Para 1, 2, 3, khana 4, akhenga nalei tîr sôt nom sik, na oja khan kadik dikmak ahei en sô leh ahei tîr man leh sik, khana nachai mak kêr seng bân kanai taka nangin pui katluka nachai tor nasik tak intlo roh. Hiva tlosik mantluk hi natlo jârri inpâk pui kaom che, nangsik heikhat inchu theina anemna kaom inkhat kachang sik ti inhor eng.

## ṬONGHLAMSÂṬ

Kên hiva lekha hi Bible correspondence sik a, kalei mazet khana Sri Lankand weekend magazine na hapta 13 hi para inkhat sasam lei inso hria kae. Hiva lekha kahei mazetna penchu Pathen Bekrup hi heite lanhretmak hei sik achang jârra aṭhat chenna kabei hlam ting kahei sun kae. Para inkhat anchai pha leh para inkhat khan hma lei kaom para chungchanga alek te injaosa sik.

Ṭong marukachang hei kha anmanhret sō pha leh ṭongder kaom sik. New Delhi, india ramshunga kase kanunga hiva lekhabu hi anlei mazeta kae. Ṭong hlop-hlop a print kanlei tlo khan tuning katlung inchu theina sik anla hmang hria kae. Nunga Sri Lanka, Singapore, Gautamala, America khana country alak lak. America ruk chang loa raleichung pumpuia kaom christian hei hneng kantîrsōt a kae.

Hiva lekha a'nzetna jar penchu akatei mihring rakip in ṭong intheng dungjuia kaom bekrup kha khomo kae ti anmanhret theina sik ṭong hlamsatna kae. Kên katâksen khachu, hiva para hi bible leh inthuaia na inthemchuk inchu, Christa'n Bekrup anei, Bekrup khan arahming aron), khana nangin khava bekrup bâk kachang thei sik che ti hnumna nanei tor sik. Tâkkha kaṭōng hri rangei mak roh, nabinga injongsōt roh. Adik jo achang inchu, nangin rahlang roh. Alei dik mak jo achang inchu ron-sōt roh. Hi hruk hi kae nadiktheina sik hlam kha.

Christa kanung kajui he'n hiva Lekhabu hi anhmanga anthôn hei Pathen Bek-inn na anhei thōi manhlut sik hi kei mathok-na kae. Heikhat darker ahong chang pha hiva Lekhabu hi hmang roh khana nangsik ahnemna kaom tak kachang sik ti inhor eng. Nung leh Lekhabu hingya nimasō tor nasik le Christa-a inhmang rathla nihuk sōt tor nasik ahnemna kaom tak inkhat hong chang raso ti derna kanei.

J.C. Choate  
Winona, Mississippi  
January, 2000

## ASHUNGA KAOM HEI

LESSON ONE	
MANHRETTHEINA (ARATHA)	5
LESSON TWO	
BEKRUP AJŌNGNA	8
LESSON THREE	
BEKRUP ANPHŌNSŌTNA	12
LESSON FOUR	
BEKRUP MERCHIKNA (INANGNA)	16
LESSON FIVE	
BEKRUP RAHMING	20
LESSON SIX	
BEKRUP INJOMKHOMNA	24
LESSON SEVEN	
BEKRUK HLOTNA	28
LESSON EIGHT	
BEKRUP KAMŪKNA	32
LESSON NINE	
BEKRUP ṬŌN TLO	35
LESSON TEN	
BEKRUP INPUMKHATNA	40
LESSON ELEVEN	
BEKRUP TAKSENA DÂN	44
LESSON TWLEVE	
BEKRUP HONGSŌKNA THUMING	48
LESSON THIRTEEN	
TŪNLAIA BEKRUP	53

**Ṭongsun katloi:** Hiva Lekhabu hi Bible correspondence sika Sri lankand, Colombo weekend magazinena lenso khang kapo Lekha kha kae.

## **LESSON ONE**

### **BEKRUP MANHRETTHEINA (ARATHA)**

Ṭong intheng in Bekrup chungchanga ahri tihitute'n num hrimak titor mak hei ning. Tâkkha tu Bekrup mo? Hei Bekrup mo? Hiva tongder hi, phakacha hrep a einin nimanson sik kae. Tûntak chu Bekrup hi hei mo khana Bekrup kachang mak kha heimo jongsōtna leh enman chenna nei rih.

Ṭong inthenga ansu'n Bekrup kha Catholic, Protestant (Roman Catholic madumak jar a, ahlop a inronna) achangmak leh Jewish hei kha changmak. Ama hi taksen dân ahlop hlop rahming (bek lang ting inthen khui), inter-denomination (bek lang tinga rup hlop-hlop a inkhom), ahlop a omrina, ama ama rup rangei manlûrna, malung hlop kanei rup um changmak, sarkar tasyem inronna, khana mihring hei chonna, nei leh haona tinga inpun khomna inn um changmak a kae.

Mi katam tak in Bekrup hi heimo kae ti inchenna anmanhret mak jâr-ra, a'ntheng, akadik Bekrup kha khomo kae ti manhret tor mak jo hei. Khava jâr-ra Bekrup hongsōkna jar, ahnemna, atōn tlo hei kham manhrettheina neitor mak jo hei. Tâkkha ama hi hei mo kae ti tong inthengin inchenna ahri pêk me. Bekrup (Church) inti tong rahme hi Greek tonga ekklesia anti, hiva tina chu beksōt achangmak leh Bek-hlop tina kae. Khava jâr-ra Bekrup hi mihring hei kâr-ra inphut bek-hlop (beksōt) kachang hei kha kae, raleichunga khō inthimma inphut ahuksōt jome, khana Pathen sapa Christa rengam shunga (kahringa athoi manhlut jome kae) abeksōt mi hei kha kae (Colossians 1:13). Ama hi rathla-a Christa taksa inkhat kae (1 Corinthians 12:27), Christa tong kajui hei tasyem kae (Hebrews 5:8,9) khava jâr-ra hukmanhring kachang jo hei kha abekrup shunga alei hapsa de hei (Mark 16:16, sonlehei Ṭōntlo 2:47). Hlam inkhat ting nok chu, Christa kataksenna atong kajui rakip in bekrup anta syem kae.

Bekrup inti tong rahme hi tong intheng shunga ahlam inhnia nihmu. Inkhatna, mi rakip tamanhret manchen theina sik, Christa'n amalung shunga kaom tong kha hing hin alei hri, khava jâr-ra eh Peter, nahnenga kahri kae: nang Peter che kae, khana hiva hlungpui chungga hin ka-bekrup kasak sik kae, khana thina kapha'n khava chungga ratha nei tor mak ning (Matthew 16:18). Mi rakip tamanhret theina sik bekrup inkhat achangna tong intheng shunga hinga ansunna kaom. Raleichunga nita hmu bekrup kha Bible dungjuia achang inchu khava bekrup kha kae Christa'n kabekrup kasak sik alei ti kha.

Inhni tlukna, omhmun inkhata kaom bekrup. Paul in Rome ma kaom bekrup hei hneng lekha alei mazet, khana hmun hlop-hlop a kaom bekrup hei hneng hinghin alei hri, Christa bekrup mi rakip in nangni chibei anhei

tlo chei (Romans 16:16) taksen dân ahlop hlop kapōa aman bekrup rakip hei hneng alei hri chang mak,, tâkkha omhmun hlop hlopa kaom intupkhomna Christa bekrup hei hneng alei hri kae.

Kakhea hri manchendet nasik, ƣong inthengin Corinthian na kaom bekrup Ephesus kaom bekrup, Phillipi kaom bekrup hei chungchanga alei hri, (1 Corinthians 1:2, Ephesians 1:1, Philippians 1:1). Hiva hei rakip hi mi tharep hei sik a inmakna leikachang ajarchu bekrup kha taksen dân ahlop lopa ink- hoithen rup kapo anlei mandon a kae. Tâkkha hiva ƣong rahme “taksen dân ahlop hlop a inkhōithen” hi ƣong intheng shunga thei phung mak tin che. Akase- sa pha shunga khan, intupkhomna hlop hlop chungchanga nalei hmu sik khana khava rambung inkhat shunga mirakip hei sik intupkhomna hei kha Christa bekrup hi kae, ankhenga anhong inpunkhom kârra raleichung pum- puia kaom mirakip hei bekrup ti nimanhret. Taksen dân hlop lop a kaom rup kha mi inkhat in ahei dahlon leh Bible shunga kaom bekrup-a ahong inle inchu khava bekrup kha Rongpu’n aleipêk bekrup kha kachang sik.

Kakhea bekrup chungchanga nihmanhret theinasik, ƣong intheng in amanhmu me bekrup lim hei kha en hri.

1. Christa taksa. Bekrup hi Christa rathla-a taksa, khana alu (Ephesians 5:23). Taksa inkhat (Ephesians 4:4), khana khava taksa inkhat kha bekrup kae (Colossians 1:18).

2. Pathen inn-shung. ƣong intheng inn tina chu Pathen inn shung tina kae, hinna eini sik manhrettheina inkhat chu bekrup hi Pathen innshung kae. 1 Timothy 3:15, Paul in ahri, akahring Pathen bekrup kha Pathen inn shung kae. Pathen hin Pa kae khana eini hi asa me kae (Galatians 3:26,27, Ephesians 1:3).

3. Pathen rengam. Rengam inkhat aom jon chu Reng inkhat kaom sik, khava jârra Christa hi Rengpa kha kae (ƣongphong 17:14). Khana reng inkhat changthei nasik rengam kaom sik kae (Sonlehei ƣōntlo 8:12). Eini hi ama mipui me kae, raleichung hi aram, ƣōngtephther hi dân. Hiva hi bekrup kha kae (Matthew 16:18,19).

4. Rongpu rahōn. Christa hi vomhrui kae khana akatâksen mi hei kha ama bâk hei kae. Hinna mandonna inkhat chu ama rahōnna tōn tlo sik khana Pathen sika kara neisik.

Hing hin bekrup hi hrimanthenga kae. Hiva chungchanga Bible inlo inna nabinga inthemchuk roh. Pathen tamanhmu nomche bekrup kha alei chang jo achang inchu, namandona akhenga hong inthleng sik, khana nahringkho kham intheng theisik kha kae.

## ṬŌNGDER HEI

### **Kadik/dikmak hri roh.**

- |              |  |
|--------------|--|
| Kadik/dikmak | 1. Ṭong intheng in bekrup chungchang ahri.                                       |
| Kadik/dikmak | 2. Bekrup hi Catholic kae.   |
| Kadik/dikmak | 3. Mi katam hlangin bekrup hi anmanhret.   |
| Kadik/dikmak | 4. Ṭong inthenga bekrup hi manhrettheina inkhat ruk a nimu.                      |
| Kadik/dikmak | 5. Christ'an kabekrup kasak sik alei ti.   |
| Kadik/dikmak | 6. Asia ram shunga bekrup 7 hei tina chu taksen dân ahlop hlop rup hei tina kae. |
| Kadik/dikmak | 7. Bekrup hi Christa taksa.  |
| Kadik/dikmak | 8. Taksa inkhat kaom.  |
| Kadik/dikmak | 9. Christa hi bekrup lu kae.   |
| Kadik/dikmak | 10. Rengram kha lahong tlung mak.  |

### **Kadik tak-a mason roh.**

1. Bekrup kachang mak alekte sun roh.....
2. Greek ṭonga bekrup hi heimo anti?.....
3. Hei inmo bekrup ansem?.....
4. Bekrup manhrettheina ṭong rahme inhni hei kha hei ralam hei mo?.....
5. Tunmo kabekrup kasak sik aleiti?.....
6. Bekrup heiya mo alei phunsōt (sak)?.....
7. Asia ram shung bekrup 7 hei kha hei rahlam hei mo?.....
8. Taksa heijamo kaom?.....
9. Reng rakip hei reng kha tumo?.....
10. Pathen vomhrui rahōna heimo nitlo sik?.....

### **Katoi thimma hri manchen roh.**

1. Katloi thimma hri manchen roh.....
2. Ekklesia.....
3. Christa taksa.....
4. Pathen inn shung.....
5. Pathen rengram.....
6. Rōngpu vomhrui rahōn.....

## LESSON TWO BEKRUP AJŌNGNA

Bekrup hi jânkhat a hong ansyem sôt changmak, bekrup hi pui katluk a tōnmantluk, leiphōngsôt (omchen sōkmak hmaa leihri), intepna leikaomsa khan anlei inhri dungjui ah hong inphunsôt kha kae. Hi hei rakip hi tōng intheng in inchenna amanhmu me.

Anphutna, Pathen lungri a (ngeitona) bekrup hi leikaom, Ephesus ah leikaom mintheng hei neng Paul'n alei rih manchen pêk hei. Aman ati, ni-Rōngpu Jesu Christa pa le Pathen kha eini'n manpak rih! Ajarchu Christa leh ni'nchunna shunga hin, Pathen in marvan ram a rathla vângthat rakip kha apêk mea maham katha amanchang me. Eini ahmai kunga thenakase a'ntheng nichangna sik, vanhnōi ralei ansyem mak hma inphut Pathen in ata kachang sik a, Christa leh inchunna shunga aleikadei jo me kae. Ama lungset jâra Pathen in eini hi Jesu Christa a asapa leh asanuhei amanchang sik me hi aleimandonsa kae, hivahi amalung huina leh mantlukna kha kae, Pathen in kalûra amarit me jâra asapa marittak a inphut kutchoi apêk jo me jara Pathen manpak rih! (Ephesians 1:3-6). Manhret sik inkhat chu Paul in Ephesus ah kaom bekrup hei vanhnōi ralei ansyem mak hma inphut Pathen in ata kachang sik a, Christa leh inchunna shunga aleikadei jo me kae. Amakma inphut bekrup hi Pathenin aleimandonsa, amalung mantlukna leh mandonna kha kae. Akungbia inphut Pathen mantluksa kha einin changthei mak, diktheimakning niti bat thei sik mo.

Inhni tlukna, hmun hlop hlop a bekrup chungchanga tongphong hingja nihmu. Isaiah'n ati, akahong sik kani heia bek-inn ngirna tlangbung kha tlang rakip kara a'nshangpen hongkachang sik, hmebung rakip amakhupet sik hei. Jat katamtak kahong inhlut sik hei, khanna anmi he'n anhri sik, "eini Rōngpu hmebunga son ketou rih; isrealhei Pathen bek-inna son, ama'n amantlo hnōm me tōn kha amanthei sik me; ama'n akadei hlam a khan eini kalon sik me. Ajarchu Jerusalem inphut Rōngpu mantheina kha kajōng; zion a inphut amihei a'nbehpui hei" (Isaiah 2:2,3). Joel'n ati, "khava sō leh mi rakip chungka karathla kaheibun mathlâk sik: nansanu' nasapa he'n kaṭong anphong sik; nankater he'n mangtalar anhmu sik. Khava pha sōk-hei, nuhmei leh pasehei chung'm karathla kaheibun mathlâk sik" (Joel 2:28,29). Khava renghei pha shunga mârvan Pathen in ahei tik a inhmang mak sik rengam inkhat aphōnsôt sik. Khavakha tute'n hlo tor mak hei ning, khava khan rengamhei kha ankhenga asuk manhmang sik hei, khana ahei tik a ka-om thak sik jo (Daniel 2:44).

1. Akahong sik kani heia bek-inn (rengam) inkhat aphōnsôt sik.



2. Tlangbunga rengam inkhat inphunsōt sik.

3. Jat katamtak kahong inhlut sik hei

4. Mi rakip chung a arathla kaheibun mathlâk sik.

5. Manhli 4 tlukna rengam sunga Pathen rengam anphōnsōt sik.

6. Khava khan rengamhei kha ankhenga asuk manhmang sik hei, khana ahei tik a ka-om thak sik jo. Hi hei rakip khonmo pui hong katlung. Sonlehei Tōntlo 2.

Inthum tlhukna, bekrup hi Pathen tongtepna kae. Pathen rengam kanai jo ti john, n alei rih (Matthew 3:2). Khava tinachu, rengam kha kanai tleka kaom jo achang mak le chomkhat phât shung hong inphōnsōt sik jo tina kae. Christa'n intepna alei nei, khava jârra eh Peter, nahnenga kên kahri nok kae: nang Peter che kae, khana kên hiva hlungpui chung a hin ka-bekrup kasak sik kae, khana thina kapha'n khava chung a ratha nei tor mak ning (Matthew 16:18). Khana Jesu'n anhnenga aleihria, "ke'n kahri pêk chei kae, Pathen rengam kha ratha kaneitak a ajōng tum anhmumak karseng akathi mak sik mi thahrep hinahin ka-om hea kae" (Mark 9:1). Khana anhnenga, "anzet kha hi kae: messiah kha inrim khodeng athei sik, nithum ning thina inphut kathōi sik, khana jerusalema inphut a jat rakip hneng malung thlengna leh set rangei mandamna sik ama rahming tōng inhri inthang sik kae. Nangni hiva sakhi chei kae. Ke'n kapa tongtep kha nangni chung a kajōngtîr pêk sik chei. Tak-kha nanchunga marvanna inphut ratha kha ajōng tlung mak hma seng khopuia nangni om ruh (Luke 24:46-49).

Hiva tōng rahme hei hi anhri.

1. Rengam kha kanai jo.

2. Christa'n aleithi jo achang innum abekrup inkhat kaphunsōt sik ti intepna.

3. Pathen rengam kha ratha kaneitak a ajōng tum mak karseng akathim mak sik mi thahrep leika-om hei a kae.

4. Ratha kanei tak-a ajōng katlung sik kae.

5. Jat rakip hneng malung thlengna leh set rangei mandamna sik ama rahming tōng inhri inthang sik kae.

6. Jerusalema hong inphut sik kae.

7. Sonle hei chung a marvanna inphut ratha kha ajong tlung mak hma seng khopuia kaom sik hei kae.

Anchaina penna, bân kanai a bekrup hong anphōnsōt nasik chungc-hang anhri rakip hei hi, lungset taka, nan malungsunga pom thak ruh.

Sonlehei Tōntlo 2 hin enhri, hiva lekhabu hi einin ban kanai a khana ave vea teina nei ri. Bible scholars rakip hen bekrup hi hiva pha shung

anphōn sōt kae ti enhri manchen. Khana ahmun in Jerusalem, apha'n kani nung inṭongting, Rome reng hei vaironna shunga, khava kapo rathâ kanei tak-a, jât rakip hneng malung thlengna leh set rangei mandamna sik ama rahming ṭong inhri inṭhang, khana anphut khan tun katlung ama bekrup ahong kaom jo kha kae. Pathen malunga aleikaom bekrup kha anphōnsōt jo, ṭongphonga anta leisânsōt hei kham hōi hong katlung jo hei, Pathen intepna hei kham hoi katlung jo hei.

## ṬONGDER HEI

### **Ṭongder hi mason roh:**

1. Inphutna bekrup kha khonma anphōnsōt? .....
2. Heiphât a mo Pathen in abekrup akadei sōt?.....
3. Rengram ankhong sik chungchanga leikasansōt messiah inthum raming pêk ro.....
4. Rengram kha kum heimo kangir sik?.....
5. Tunmo kabekrup kaphunsōt sik ti intepna alei nei?.....
6. Tu bekrup mo sak sik ti intepna alei nei?.....
7. Bekrup heiya mo kasak sik lei ti?.....
8. Rengram kha hei le inthoia akajōng sik?.....
9. Jerusalema hei ṭongmo anta hri sōt sik?.....
10. Bekrup anphunna chungchanga einin khang khava lekha bu a mo nimu sik?.....

### **Kadik dikmak ti ri ro.**

Kadik/dikmak 1. Bekrup hi pui katlut a ṭōnmantlok, leiphongsut (omchen sōkmak hmaa leihri), intepna leikaomsa khan enhri dungjui ah hong inphōnsōt kha kae. Pathen malunga bekrup hi leikaom.

Kadik/ dikmak 2. Pathen lunghria bekrup ahong kasok kae.

Kadik/ dikmak 3. John'n Pathen rengram hi kanai jo alei ti.

Kadik /dikmak 4. Rengram kha ratha kanei tak inthong sik kae ati.

Kadik/ dikmak 5. Malung thlengna leh set rangei mandamna sik ama rah ming ṭong inhri inṭhang sik kae.

- |               |  |
|---------------|--|
| Kadik /dikmak | 6. Jerusalemma bekrup kha anphut sik kae.  |
| Kadik/ dikmak | 7. Acts 2 in bekrup anphōnsōt sik ʈong ahri.   |
| Kadik /dikmak | 8. Rome reng hei vaironlai pha shunga bekrup anphōnsōt kae.  |
| Kadik/ dikmak | 9. Kaning nung inʈongting ati kha hong katlung sa jo kae.  |
| Kadik/ dikmak | 10. ʈongphong anta leisansōt hei kham hōi hong katlung jo hei, Pathen intepna hei kham hōi katlung jo hei. |

**ʈongder hei hi mason roh:**

1. Vânhnoi ralei ansyem mak hma inphut Pathen in ata kachang sik a.....
2. Eini rongpu hmebunga son ketou rih;.....
- .....
- .....
3. Khava renghei pha shunga marvan Pathen.....
4. Kên kabekrup.....
5. Anzet kha hi kae: messiah kha inrim khodeng atei sik, nithum ning thina inphût kathōi sik.....
- .....
- .....

## **LESSON THREE**

### **BEKRUP ANPHŌNSŌTNA**

Kani hnung inṭongting rathla ajōng pha, Jerusalema Rongpu rengam (bekrup) inkhat inphunsōt sik, jât rakip hong kahlut sik hei khan kumlei khōa kaom thak sik jo Isaiah 2:2,3; Joel 2:28,29; khan Daniel 2:44 nihmu. Christa'n kabekrup kaphunsōt sik ti intepna inkhat aleinei, khana khava kha ratha neina leh kajōng sik kae, jat rakip hneng malung thlengna leh set rangei mandamna sik ama rahming inhri inṭhang sik kae. Sonlehei Ṭōntlo 2 hi einin katha nitei pha ṭongphong khana Pathen intepna rakip hei kha hōi hong katlung hei.

Khava pha tak khan sonle hei kha Jerusalema leikaom hei, Sonlehei Ṭōntlo 2 ah nihmu.” Pentecost kani ahong tluk jo pha, akatâksen hei seng hmun khat a le'ntup hei. Manhret manloa marvana inphut thli kahrang inhnaktak rasa kapo'n, an-omna innshung kha jong kasip phet jo. Khava soa, anmani'n hmeimale kapōa a'nsemthen heikhat in anchung et a aleisit hei kha anleihmu. Anmani rathla intheng kasip phet jo hei, khana rathla khan ṭong theina apêk hei jârra, ṭong hlop-hlop a kaṭong inphut jo hei. Jerusalema vanhnōi hmun hlop-hlop a inphut akajōng taksenna kanei jehudi leika-om hei. Anmanin khava rasa kha anthei pha mipui hong intup jo hei. Khana mi rakip in khava akataksenhei ṭonghri kha ama ama ṭong et a anthei jârra inlak anleisak her jo (Sonlehei Ṭōntlo 2:1-6).

Anzet dungjui a khava kani ning khan jât hlop-hlop hingja kahong hei. “Mandonhla leh malung inmak pum a, “hivahi-e heitina jo mo? Ti khat le khat le'nder hei. Tâkkha her khat inchu tâkkasen hei kha, “hiva mihei hi ju inrui jo hei” ti anleimanuiso hei! Khava pha sonle hei inthōi a Peter kangirsōt a rasa inhnaktak a mipuihei hneng hing'hin ṭong aleihri: “ka-jehudi changpui hei le Jerusalema kaom hei, hivahi heitina mo hripêk chei rong rangei ruh. Tûn hi jingkar pungko hrep la kae; nangni tamandon kapōa, hiva mihei hi Ju inrui changmak hei. Tak-kha hivahi sankathem Joel taleihrisōt kha kae. kani hnung inṭonga katlo sik kha hivahi kae, Pathen in ati: mi rakip chungka karathla kajong bun mathlâk sik. Nansanu leh nansapa he'n kaṭong anphong sik; nankhangdong he'n hmangtalar anhmua sik. Khana nan-upahe'n rahmanghei anei sik. Khava pha leh tutu achang inum inthangpui sik a Rongpu rahming kabek rakip hukmanhring kachang sik (Sonlehei Ṭōntlo 2:12-17, 21).

Akasōk nunchen rakip kha old testament a sankathemhei taleisansōt pui hong katlung kae ti Peter in aleihri manchen pêk hei. Jesu hi Christa kae, khan Pathen sapa ti anmanhret theinasik, ṭon inlak tlonā ratha anenga apêk leh inthōia aman tōn inlak hingja alei tlo sōt a kae. Khana Jesu kha mi-

kathamak hei cross chung a makhei a thasik ti dân kathem hei hneng alei pêk sôt a kae. Thina khodengthei atorsō jo pha aman thina inphut kathōisôt jo. Peter in aṭong lai, aṭong hri kathei rakip in antâksennasik hiva David talei-sansôt ṭong rahme hi alei hri pêk hei, khachu Christa hringna, thina, thanna inphum khan pa lûrna ratharatna khan nihringnasik thlanna inphut akei-mathōi jo, khan marvan chungting kaketou jo, ratha kaneipen Pathen khut changting marvana in-onga kaom jo.

Khana ama kha Pathenin thina inphut akeimatho, khan hiva hi Jesu khet Pathen in thina inphut ahmatho jo, khana hiva omchen kasōk khet sakhi hi keini kankhênga ung kae. Ama hi apa, Pathen khut changting matungsôt a kaom jo, aṭong leitepna dungjuia ahneng a inphut rathhla intheng achen jo. Tûntunna natahmu le nantathe i rakip hi kanchunga aheibun mathlâk kutchoi kha kae. Marvâna aleikake khachu David changmak, ama khet in hing'hin aleihri, 'Rongpu khan ka-Rongpu hneng: na'enrepuihei kha nake chonpha a kada mak lai seng, kachangting in-ong roh.' "khava jârra isreal mipui rakip in, inchentak a nantamanhret sik hichu, nantalei makhei hlon hiva Jesu hi Pathen in Rongpu le messiah amanchangpa kha kae!" Mipuihei khan hivahi anthei-pha, anmalung leikadong her jo, khana Peter leh sonle lak-hei hneng, "heimo kantatlo sik, sopuihei? Aleiti.

Khava pha Peter in hing'hin aleihri pêk hei: "nansetna rakip a inphut rangei mandam nanchena, Pathen kutchoi pêk rathhla intheng nanchenna sik; nansetna heia inphut nanbing et a he'nhesôt ruh, khana Jesu Christa raminga tui kahlut chang ruh. Ajarchu hivahi Rongpu nipathen in ama sik a abeksôt nangni leh nansahei khana hmun kahlatak a alaka-om hei nenga Pathen ṭong intepna kha kae. Anhnenga ngekna leh inthōia Peter in ṭong katamtak vâng hinghin aleimathok hei, " hiva mikathamak hei chung a akatlung sik karakna inphut nanbinga inhuksôt ruh!" Mi katamtak in aṭong hri kha antaksenna tuihlut anchen jo; khava ning khan anrup shunga mija 3000 kapō besa leik-achang heia kae. Khang khan sonle heia inphut them inchuna, inloikhomna khana thlailheng o-sōmna leh derna neisōmna anpha anleihmang joa kae. Pathen manpakna leh inthoia mi rakip hrimanthatna kha anleichen. Khang khan hukmanhringna kachen jo hei rup kha ani tina Rongpu'n abesapêk thak heia kae (Sonlehei Ṭonṭlo 2:32-42, 47). Achunga anpe bible arup le chang hei hin Jerusalema bekrup anphutna ti enhri manchen pêk me, khana rathhla intheng ratha neina sonle hei hneng aheibun mathak, hivahei hin old testam-ent a anleirih sôt ṭong rakip pui amathluk a kae. Peter amakhat in ranak taka ahri. Tak-kha hivahi sankathem Joel taleihrisôt kha kae: anhri kapōa hiva chung hin heite malung kei chi-ona neimak hri, ajarchu sankathemhe'n

kani hnung inṭongting hivahi hongkasōk sik anleiti jo a kae, khava kani khan jat hlop-hlop kahong rakip hneng malung thlengnasik leh set ingeidam thein-asik ṭong Peter in aleihri pha, mihring 3000 kapo Pathen ṭongpêk aleijua, hukmanhring anchenna rupa anleihapsa dehei. Khava jârra Christa'n A.D. 33, Jerusalema abekrup aleiphunsōt khava inphut tun katlung kaom jo a kae.

## ṬONGDER HEI

### **Lungset taka ṭongder hei hi mason hei roh:**

1. Tunmo kabekrup kaphunsōt sik alei ti?.....
2. ‘Kani hnung inṭonga katlo sik kha hivahi kae, Pathen in ati: mi rakip chung a karathla kajong bun mathlâk sik. Hiva hi tu talei hri mo? .....
3. “Rongpun karongpu hneng ahri, katut changting in-ong roh”, tu talei ti mo?.....
4. Nansetna heia inphut nanbing et a he'nhesōt ruh, khana Jesu Christa raminga tui kahlut chang ruh, tu tahri mo?.....
5. Hiva makatamak-hei chuinga akatlung sik karakna inphut nanbinga inhuksōt ruh!, tu tahri mo?.....

### **Hiva sankathem ṭong phong hei hei hri sōt roh.**

1. Hei phât a mo Pathen regram anlei inphunsōt?.....
2. Hei khopua mo lei inphōnsōt?.....
3. Mo heiya mo kalut sik hei?.....
4. Hei le mo inkhongsap sik?.....
5. Kum heiya mo kangir sik?.....

### **Hiva intepna hei hi hri sōt roh:**

1. Tunmo bekrup asak sik?.....
2. Hei le mo inkhong sik?.....
3. Hei mo anta hri sōt sik?.....
4. Jathlop hei kârra heimo anta hri sōt sik?.....
5. Tu raminga mo anta hri sot sik?.....

**Acts 2 a inphut mason roh:**

1. Rathla kha tunmo alei chen?.....
2. Ama hongna sik man-enna kha hei mo? .....
- .....
3. Christa kha Pathen sapa kae tia hei khong a mo Peter'in mipui hei malung alei sor tor? .....
- .....
4. Amnaning hei tongder mo anlei der?.....
5. Khana aman heimo alei mason hei?.....
6. Hukmanhring kachen hei kha tunmo abesa hei?.....

**Lungset taka hri manchen roh:**

1. Bekrup.....
2. Tongphong.....
3. Pentecost (kani 50 tlukning).....
4. Malungthleng.....
5. Baptism (tuilut).....

## **LESSON FOUR**

### **BEKRUP MERCHIKNA (INANGNA)**

Pha kasot taka nathôn inhmang inkhat heikhong mo nangin najongsôt tor sik? Nangin ama musôt nasik nahei yong pha ahlop binga inchik manhretsôt-na sakhi hingja nakhomsôt sik kae. Ahlop binga inchik manhretsôt-na kha leh an-ang jo inchu, ama kha phât kasot tâka lei inhmang nathôn kha kae ti nar-ahlang sik. Khava kapōa raleichunga bekrup hingja kaom hei. Tunmo ahma hi Christa bekrup kae antitor sik? Ahlop binga inchik manhretsôt-na hei kha katha taka na-en pha, khana alalak bekrup heileh an-en sôm pha, amahi Christa bekrup kae ti nahri tor sik. Khava ahlop binga inchik manhretsôt-na hei kha heimo kae? Khonmo nimu tor sik? Khachu Bible ruk hin kae.

1. Christa'n bekrup aphōnsôt: khava jâr-ra eh Peter, nahnenga kahri kae: nang Peter che kae, khana kên hiva hlungpui chung-a hin kên kabekrup kasak sik kae, khanna thina kapha'n khava chung-a ratha nei tor mak ning (Matthew 16:18).

2. Khava kha Jerusalema aheiphut kae: Luke 24:45-49, Sonlehei Tōntlo 2:5.

3. Bekrup anphutna A.D. 33 Sonlehei Tōntlo 2 pentecost kani ning khan bekrup hong inphut sôt kae.

4. Bekrup khan Christa rahming alei ron (insi): a'ntheng injôp pum a inkhat leh inkhat chibei intlo ruh. Christa bekrup rakip in nangni chibei anheitlo chei (Romans 16:16). Nangni nankhenga Christa taksa jo chei kae, khana nangni mi inkha-khat hi ataksa bâk et chei kae (1 Corinthians 12:27). Pathen in heirakip kha Christa kethōia ada a khana heirakip chung-a ratha kaneipen rōngpu inkhat a bekrup hneng apêk sôt joa kae. Taksa kha hei mo? Bekrup hi Christa taksa kae, (Ephesians 1:22,23).

5. Takkasenhei kha Christin ti anbek hei: Ama'n avahmu pha, antioch ting alei thōia kum khat katluk set a an-inhnia bekrup mipuihei anle'nhmupui hei khana rup kalen he'm anleimanthei hei. Takkasenhei kha christin ti bekrup na masa pen hei hi antioch a inphut kae (Sonlehei Tōntlo 11:26). Agrippa'n Paul hneng ati, "hiva pha katōitek shunga hin christin inkhat manchang tor sik a namandon eng mo?" (Sonlehei Tōntlo 26:28). Hei-achang inum christin chang jâra demanrimna nantade achang inchu, khava sik a inzak mak ruh, tâk Christa rahming nanrôn jâra Pathen manpâk ruh (1 Peter 4:1). Ama inphut rōk hukmanhringna nihmu sik; ajâr-chu vânhnōi pumpuia ani kahuksôt tor Pathen tapêk hichu ama teilo alak him-him om mak" (Sonlehei Tōntlo 4:12).



6. Christa hi bekrup lu kha kae: ama hi ataksa, bekrup lu kha kae; ama hi ataksa hringna kung kha kae; ama'n heirakip chung a hma inkeipen hmun kha achen theina sik, thina inphut keimathōi sapa hma inkeipen intet kha kae (Colossians 1:18).

7. Taksa inkhat ruk kaom: Pathen bekna cheia khan inhōrna inkhat a-om kapōa taksa inkhat, rathla inkhat ka-om (Ephesians. 4:4), khana taksa kha heimo kae? Taksa kha hei mo? Bekrup hi Christa taksa kae, (Ephesians 1:22,23, Colossians 1:18) khava jârra taksa inkhat ruk achang inchu bekrup um inkhat ruk kachang sik kae.

8. Bekrup inkhat nichangthei nasik ahlam kaoma kae: kha hei khachu taksen (Hebrews 11:6), malung thleng (Sonlehei Tōntlo 17:30), malunga tak-senna bêi wang phongsut (Romans 10:9,10), khana tuilut (baptism) (Mark 16:16). Khang'khan hukmanhringna kachen jo hei rup khan ani tinna rōng-pu'n abesapêk (bekrup sunga kajao jo hei) thak heia kae (Sonlehei Tōntlo 2:47). Ajârchu, eini Jesu Christa leh inchunna shunga tui hlutna nichen pha, eini ama thina shunga inchun jo me ti hi inchêna nanmanhret. Pa lûrna rathahrat khan Christa kha thina inphut akei mathōi kapōa eini hringkhōther inkhat a nihringna sik, eini tuihlut a khan ama leh inphûmsap jo me khana athina kha nichenpui sap jo kae (Romans 6:3,4, Galatians 3:26,27). Tōngjui anphut tu achang innum ave a'nte ther inchu Pathen rengam kha ahmutor sik kae" (John 3:3-5).

9. Christain hei kamûkna hi inlaktak inkhat kae: Christain heichu châmngat kani ning lenkhôm thlai kasasôm sik a antup sik hei kae (Sonlehei Tōntlo 20:7) hla saksik (Ephesians 5:19). Derna neisik (Sonlehei Tōntlo 2:24). Pathen dikna tong kha kadik a inthei sik (2 Timothy 2:15), châmngat kani ning lenkhôm thlai kasasôm sik a antup sik hei kae (Sonlehei Tōntlo 20:7) pêkna (mi rakip in ahlôsôt dungjuia apêk sik kha ahlop a leimankhôm ruh) (1 Corinthians 16:2).

10. Bekrup mantheina hi tong intheng dungjuia kae: Mi inkhat in heikhat hap-sa thei mak ning khan heikhat lo-um losôt thei mak ning (Tōng-phong 22:18,19), Tōng Intheng lekhabu hi bekrup taksenna dân lekhabu kha kae. Bible kachang mak taksenna dân lekhabu rakip kha lonsôt sik kae.

11. Bekrup injomkhomna hi Pathen tamantlukna dungjuia kachang sik kae: Christa hi alu kae (Ephesians 5:23) bekrup hlop hlop-a kaom rakip in upa hlamkakei (elders) khana Bekrup inthōpui (deacons) anta nei nger sik kae (1 Timothy 3, Titus 1). Rongpu bekrup-in raleichunga ama headquater khana mihring tasem injomkhomna omthei mak ning.

11. Bekrup inrondân achang mak le inse dân rakip Pathen tamantluk

dungjuia kachang sik kae: Christa hi alu kae (Ephesians 5:23) bekrup hlop hlop-a kaom rakip in upa hlamkakei (elders) khana Bekrup inthōpui (deacons) anta nei nger sik kae (1 Timothy 3, Titus 1). Rongpu bekrup-in rale ichunga ama headquarter khana mihring tasem injomkhomna omthei mak ning.

12. Bekrup tōntlo hi inthuma (3) inthenkhui: Tōn phutna “vānhnōi raleia mihring rakip hneng ÷ong kaṭha hi vahri sik (Mark 16:15,16). Khodeng kathei hei inthōpui sik hei (Galatins 6, James 2), akataksen sopui hei ÷ong inthenga khat leh khat ani tina a’nthō nger sik kae (Hebrews 3:12-14).

13. Christain inkhat in taksenthei kachang Christain hringkhō inkhata kaom sik kae: Raleichung leh raleichung ta kachang neināk rakip madu mak sik kae (1 John 2:15, James 4:4), Rathla kara nimanhnei sik kaeh (Galatians 5:23,23), thina katlunga taksenthei chang roh, khan hringna kha torna inpāk-mana apêk sik che (Tongphong 2:10).

Bekrup merchikna alek kaom hei, hiva merchikna heihi ÷ong inthenga inphut anta losōt hei kae. Nang ngirna bekrup leh enmantluk heiroh, enmantluk inkhat a 4 tlukna kha en roh, nabinga ÷ongder inder che sonna, kei omna bekrup hi tu taphunsōt mo? Hiva bekrup hi christa taphunsōt mo achang mak le mihring taphunsōt mo? Hiva kei omna bekrup hi khon na inphutmo a hong inphunsōt? Jerusalema inphut mo achang mak leh hmun hlop inkhat a mo? A.D. 33 kanunga hong inphutsōt achang inchu, khava bekrup kha Christa bekrup chang thei mak ning. Khana kabekrup in hei rahming mo anei? Christa rahming aronmak jonchu khava bekrup kha Christa bekrup ethei mak ning. Nangirna bekrup kha Christa bekrup a-emak leh mihring tasyem bekrup mo ti manchen theinasik kanthop thei che. Nabekrup merchikna-anangna kha Pathena inphut mo achang mak leh mihringa inphutmo ti nangin kanet tak ah inthemchuk roh. Namalung anheng inchu inlakna heikha inhret sik che.

Atōn tunna nangirna bekrup hi ÷ong intheng dungjuia mo, alei chang mak jo inchu heisa mo nadalon mak sik, akadik kha inchu ro, khan akadik kha jui roh, ÷ong inthenga niteisōt kapōa nang um Christa bekrup inkhat kachang theisik che. Kha achang inchu nang-um hukmanhring chenna hmun khan kaom thei sik jo che.

## **TONGDER HEI**

### **Kadik ÷onga mason roh:**

1. Pha kasot taka nathōn inhmang inkhat heikhong mo nangin najongsōt tor sik? .....
2. Taksen dân hlop hlop rup raleichunga kaom hei mo? .....
3. Khomo kadik tia mi inkhat in amanhretthei sik mo? .....

4. Ahlop binga inchikna manhretsōtna khon mo nihmu sōt tor sik? .....
5. Tunmo bekrup alei phunsōt?.....
6. Ama anphutna kha khon mo?.....
7. Heitikpha leh mo anphōnsōt?.....
8. Araming hri ro?.....
9. Ataksa kha hei mo?.....
10. Akataksen bâk hei kha heikhong mo anbek hei?.....
11. Bekrup lu kha tumo?.....
12. Bekrup heiya mo kaom?.....
13. Bekrup hlut hteinasik hlam hri roh.....
14. Mi inkhat in hei khong mo Christa bekrup-a kahlut theisik?  
.....
15. Kamûkna tōn hlam hei kha hri roh?.....
16. Bekruk mantheina kha hei mo? .....
17. Inkhomna rup rakip in hei mo anta nei sik? .....
18. Bekrup tōn hmun inthum kha hri roh.....
19. Hei hringkhō a mo christian hei in kachon sik hei? .....
20. Hringna luhup tunmo achen sik?.....
21. Mi inkhat taphunsōt bekrup kha Christa bekrup kachang  
theisik mo?.....
22. Jerusalma alei inphunsōt mak bekrup kha Christa bekrup kachang  
thei sik mo?.....
23. A.D. 33 kanunga anphōnsōt bekrup kha Christa bekrup kachang  
thei sik mo?.....
24. Christa rahming anvonmak bekrup kha christa bekrup kachang  
thei sik mo?.....
25. Nangin hukmanhring nachang jon chu, hei bekrup a mo christian  
ahapsa sik che?.....

## **LESSON FIVE**

### **BEKRUP RAHMING**

Bekrup hi ʔong intheng dungjuia achang inchu, ʔong intheng rahming a'nhron sik kae. Achang ravâng raleichunga mihring tasyem bekrup rahming hlop-hlop hingja kaom jo. Hiva bekrup rahming anpho heihi heikhonga mo kae? Hiva bekrup rahming anpho heihi, bekrup leikaphunsōt minu/mipa rahming anlo ria kae, khachu Lutheran kapo. Khana mi tharep hei, mantheina hlop anhapsa, heikhong a mo baptize kachang sik me achang mak leh Pathen tōntlo nasik hei kapō. Mi tharep he'n, pentecost kani achang mak le sabbath kani ti manpakna (lomna) annei. Khana mi tharep nok he'n bekrup inhronna le upahei (hlamkakei hei) tōntlo sik jârra kakhea ratha anpêka kae. Hihei rakip hi Christa lûrna , alenna sik antlo ʔon hei kha kae, hinna anpêk rahming, Title (themna insangna aphakchen manhretna raming) khana alek ʔong mahru kachang hei hi mihringa inphut hong kasōk hei kae.

Mihring tasyem rahming leh themna insangna aphakchen manhretna raming heihi ahlam hingja dikthei mak hei. Inkhatna, inthenkhuina amaso. Anmanin Pathen tasyem mak ankhenna kha anda/ansyem. Mihei kha anthen khōi hei. John 17 ah, inpumkhatna sik Christa derna kha leinom nom mak heiya kae. Inhni tōkna anmani kha ʔong intheng tanûm mak hei kae. 1 Corinthians 1:10-17, sonle Paul in ami changpui hei hneng raleichung mihring hei rahming, khana rup-le loi hlop-hlop anthenkhui na khan ʔong kanger aleinei. Inthum tlukna, mihring hraming tinachu ʔong inthenga nitahapsa tina kae. Sonlehei ʔontlo 4:12, “ama inphut rōk hukmanhringna nihmu sik; ajârchu vâhnōi pumpuia ani kahuksōt tor Pathen tapêk hichu ama teilo alak him-him om mak.” Manhli tukna, mihring tasyem hraming khana mihring tasyem rahming leh themna insangna aphâkchen manhretna raming hei him akataksen hei akadikmak langting athui manlut hei, anmalung sunga inmakna, kathamak mandonna hingja apêk hei. Taksen theimakna um hingja aman om.

Ranga tukna, hiva mihring taseym rahming kanei seng, khana anmani jâra Christa inphut kanung inle miseng, rathla inhmangna annei sik. Hiva jâra hin anmani hi mi kathamak setna kanei hei kae.

Bekrup sika chu, Christa ama khet'in kabekrup kasak sik alei ti (Matthew 16:18). Bekruk kha athisen vâng arachok ah kae (Sonlehei ʔontlo 20:28), khana ama kha Bekrup kahuk inhringpa kae (Ephesians 5:20), bekrup alu kae (Colossians 1:18). Bekrup kaphunsōtpa, akahuk inhringpa, alu kachang manlûr nasik ama rahming anvôn kha akadik tak kae. Paul'in Rome ma kaom

Bekrup heihneng inpakna tong alei rih so le hing hin alei ti, a'ntheng in-jôp pum a inkhat leh inkhat chibei intlo ruh. Christa Bekrup rakip in nangni chibei anheitlo chei. (Romans 16:16), khana Corinna kaom Bekrup hei hneng hinghin alei ti, nangni nankhenga Christa taksa jo chei kae, khana nangni mi inkha-khat hi ataksa bâk et chei kae. (1 Corinthians 12:27). Taksa kha Bekrup aleichang jo jâra (Ephesians 1:22,23), aman Christa Bekrup chungchang alei hri na kae. Khana Pathen Bekrup ti'm nihman hret. (1 Corinthians 1:2, Sonlehei Tontlo 20:28), Pathen rengam (1 Corinthians 6:9), Christa Rengam (Ephesians 5:5), Asapa marit Rengam (Colossians 1:13), ni Rongpu leh ani kahuk inhring Jesu Christa kumsot rengam (2 Peter 1:11), bekrup (Sonlehei Tontlo 13:1), akahring Pathen Bekrup (1 Timothy 3:15), Pathen sa-upahei intupna (rengam) (Hebrews 12:23).

Khava jâra tu inkhat bek in ama tamadu tamandonna bekrup rahming bek thei mak ning. Einin nita mandonthak sik inkhat chu, heikhat Pathen ta kachang kachu Christa ta jo kae. Khana khava rahming heikha Christa taphonsot bekrup tina kae. Christa bekrup aleichang mak jon chu, tu bekrup mo kachang sik? Hiva rahming leh hrimanthengna hei rakip kâra, Christa Bekrup kapo taka mihring taphonsot bekrup rahming inkhat a om nasik mi thahrep hen Bible mantheina dalon nasik anmadu ah kae. Tak tong intheng kha kanettaka matu mesona omhri, khana niomna bekrup him tong intheng dungjuia manchang rih, kha achang inchu eini kadik thei sik me.

Khana bekrup mi kachang jo hei akataksen heisik, hiva tong hi inchen-na tong intheng in alei hri sot a kae.

Isaiah sankathem'in aleisansot dungjuia Rongpu Pathen'in ami heiseng rahming kather apêk sik hei kae (Isaiah 62:2) khava rahming kha Paul'in ahei mante sot a kae (Sonlehei Tontlo 9:15), tâkka gentile jatlop hei Pathen tong aleitaksen mak karseng anpêk mak sik kae. Sonle hei kha Antioch Syria khopuia christian ti anleibek hei pha, hei rakip hi pui hong katluk kae (Sonlehei Tontlo 11:26). Sonle Paul'in reng agrippa neng Pathen tong alei hri pek lai, hing hin rengpan ahei mason, Agrippa'n Paul hneng ati, "hiva pha katotek shunga hin christin inkhat manchang tor sik a namandon eng mo?" Paul in amason, "phat kaseitak shunga achanga, akatoitek shunga achanga, tuninga katong hri kathei nang leh alak nankhenga, hiva ka'nkhopna thirhruai chen sik tei loa, kei kapo nanhong changpet sik hi Pathen hneng kaderna kha kae." (Sonlehei Tontlo 26:28). Anchaina penna Peter tonghri kha einin nihmu, hei achang inum Christin chang jâra demanrimna nantade achang inchu, khava sik a inzak mak ruh, tak chr Christa rahming nanron jâra Pathen manpak ruh. (1 Peter 4:16).

Khava jâra tongtepher shunga kaom Christa kanungkajui heikha Chris-

tian hei kae. Tuning um Rōngpu Pathenin khava kapō Christian inkhat ruk kachang et sik me hi ama tamadu pen inkhat kae. Christain ti ahlop hlop ramhing le themna insângna aphakchen manhretna rahming (Title) khan aka-diktak Christian kha chang theimak ning me. Christian inti rahming le rale-ichungaga kaom rup heile an-ang mak na hingja kaom, khan anmani le eini kanettak a ankhen a om kaom, hiva hi kae Pathen tamadu pen chu.

Bekrup rahming achanga akataksenhei achanga, Christa rahming hi chungintong penna nikakadom mansang sik kae. Hei jâra mo nitinchu ! Ajar chu ama hi inn-sung rahming kae (Ephesians 3:14,15), rahming kârra rahming kalenpen aman apêk jo (Philippians 2:9-11), ama rahming inphut ruk hukmanhringna nihmu sik (Sonlehei Tontlo 4:12). Khava jârra Pathen Sapa Jesu Christa rahming nitaksen sik (1 John 5:13), khava rahming kha nimalunga nitaksenna nibeivâng nihrisot sik kae (2 Timothy 2:19), setna inphut malung thlengsik khana Jesu Christa rahminga tui hlut et sik (Sonlehei Tontlo 2:38), ama rahminga intupna rakip leh kamûkna neisik (Matthew 19:20), heirakip ama rahminga tlo et sik (Colossians 3:17), khana ama nitaksenvâng khan kumsot hringna ninei sik (John 20:30,31).

Achunga ânzet hei hi nihmu pha, ama rahming hi heite changmak titor mak hei ning. Christa rahming kachangmak,, mihring hei tasyem rahming leh themnatinga ena ( title) rahming khan hringna chentor mak ning, Christa rahming ruk-a kumsot ringna anhmua tor sik.

## **ṬONGDER HEI**

### **Kadik tonga mason roh.**

1. Bekrup hi tong intheng dungjuia achang inchu.....
2. Mihring tasyem rahming leh themna insangna aphakchen manhretna raming heihia.....
3. ....derna.....malung aman tlai.
4. Nang ni hi.....
5. Pathenin ami hei hneng.....

### **Kadik dikmak hri roh.**

Kadik/ dikmak 1. Ṭong intheng dungjuia kaom bekrup chang theinasik tong inthenga kaom rahming anvon sik mo?

Kadik/dikmak 2. Mihring tasyem rahming leh themna insangna aphakchen manhretna raming kadik theisik mo?

Kadik/dikmak 3. Christa raminga hukmanhringna kaom mo?

Kadik/dikmak 4. Nikhenga raming inkhat ruk anvon sik me he Pathen lungdo mo?

Kadik/dikmak 5. Ama raming invon loa mi inkhatin Pathen amanlûr thei sik mo?

**Kadiktak a mason ro.**

1. Mi hring hei tasyem rahming hi hei khonga mo hongkasōk? .....
2. Mihring tasyem rahming leh themna insangna aphakchen manhret-na raming dik theimak na kha hei jârra mo? .....
3. Christ heisik a mo derna alei nei? .....
4. Paul'in Christa ami changpui hei kha lenthen khui jo heitia haei man hret pha hei mo alei tlo?.....
5. Bekrup in Christa rahming anvon sik mo?.....
6. Romans 16:16 sun roh.....
- 7.1 Corinthians 12:27 dungjuia Christa taksa kha heimo kae? .....
8. Bekrup hlop hei rahming ajing sun roh.....
9. Bekrup kha Christa bekrup aleichang mak inchu tu bekrup mo kachang sik?.....
10. Christa bekrup Mi hei (member) kha heikhong mo anta lei bek hei? .....
11. Christian tia anzetna hmun inthum hei kha sun roh.....
12. Tuning Christa'n heikhong mo amata amachang me?.....
13. Tunlai a Christian inti inkhat papaô kachang thei bât me mo? .....
14. Chirsta rahming hei jârra mo nikadom manshang sik? .....
15. Christa raminga heimo nitlo sik?.....

## **LESSON SIX**

### **BEKRUP INJOMKHOMNA**

Christa'n bekrup aleiphunsōt (Matthew 16:18). Khava bekrup kha raleichunga bek-sōt kachang (Christa tabeksōt) mihei tasyem kae (Colossians 1:13,14). Hukmanhring kachen jo hei, rup khan abesapêk thak heia kae (Sonlehei Tontlo 2:47). Bekrup hi Christa rathla inn (Colossians 1:18). Taksa inkhat (Ephesians 4:4).

Bekrup hi raleichunga kaom mirakip ta aleichang innum, hmun hlop hlop a kaom mi lising lising hen an-om omna hmunna lei intup heia kae. Khava inkhomna hmunna antup mihei kha akataksen mi he'n antasyem kae. Hiva tina chu bekrup inronna hi raleichung vairon kapo changmak, intupna hmun hlop-hlop ah antup mihei khan anbi binga anron sik hei kae. Khava tina chu, Christa bekrup in raleichungta kachang alu achang mak le injomkhomna lu (headquater) ommak a kae.

Tong inthengin hinghin amanthei me, Christa hi bekrup lu kae. Athuia anpêk hi enhri. Pathen in heirakip kha Christa kethōia ada a khana heirakip chung a ratha kaneipen Rōngpu inkhat a bekrup hneng apêk sōt joa kae. Bekrup hi Christa taksa kae, hmun rakip a heirakip pui intluk ama khet kha apuitlukna kha kae (Ephesians 1:22,23). Ajârchu Christa khan bekrup chung a tong anei kapōa apuise khan anuhmei chung a tong aneia kae; khana ataksa kachang bekrup kahuk inhring kha, christa ama khet kha kae (Ephesians 5:23). Ama hi ataksa, bekrup lu kha kae; ama hi ataksa hringna kung kha kae; ama'n heirakip chung a hma inkeipen hmun kha achen theina sik, thina inphut keimathōi sapa hma inkeipen intet kha kae (Colossians 1:18). Achunga anpêk Bible arup leh changin heimo anmanthei me? Christa hi taksa-lu, khavakhachu bekrup lu kha kae. Lu heija mo kaom? Inkhat ruk, khachu Christa kha kae, khava lu changna tute inkhat le inthenthei mak ning.

Taksena kanei mihen hmun hlop-hlop a lentup hei, khava inkhomna hmun hlop-hlop ah antup seng hei khan bekrup hi ansyemma kae, Christa hi bekrup lu achang jârta, intupkhomna hmun hlop-hlop ah antup akataksen seng hei lu kham Christa kha kae, bekrup shunga akataksen mirakip lu kha Christa kae. Paul in hinghin ahri, tâk-kha hivahi nantamanhret sik kamadu, ti chu, Christa kha pase rakip chung a kae, pase kha anuhmei chung a kae, khana Pathen kha Christa chung a kae (1 Corinthians 11:3).

Khanna Pathen kataksenna hmun hlop-hlop a antup seng hei khan anbi binga inronna insena bekrup dân anta nei et sik kae. Khan Christa kha alu kachang sik, akataksen hei kara upa hlamkakei sik khana bekrup inthopuihei



kham bekrup rathla khangtou nasik akataksen hei kârra indei sôt sik hei kae. Bekrup ûpa hlamkakei inhngaloe nanrathla kha anta-en ðhak sik kae (Hebrews 13:17). Bekrup inthōpui hei khan bekrup shunga taksa ta kachang tōn hei anta ensui sik kae. Tōng intheng in, ûpa hlamkakei hei khana bekrup inthōpui hei ti ahri a kae, hiva tina chu hmun hlop-hlopa kaom inkhomna hlop-hlop he'n anbing bing et sik a ûpa hlamkakei leh bekrup Inthopui hei antakadei sik khan anmanin khava inkhomna hlop-hlop chungu ratha anta nei et sik, hlamkakei inkhat in inkhomna hlop inkhat neng ratha neitor mak ning. inkhomna hlop-hlop a kaom hei Pathen kamûkna intup thei hei, tâkkha inkhomna rup inkhang chungu inkhomna rup inkhat in ratha neitor mak ning.

Bekrup ûpa (Elder) Bekrup hlamkakei (Pastor) bishop, shepherd khana presbyter hei tōn hmun hi inkhat ruk kae.

Elder (upa hlamkakei) him pastor, bishop (bekrup hlamkakei), khana shepherd kae. (Titus 1:5-9) tûn katlung tlo sik a alaka-om bân kaneia natlona sik leh khōpui rakip a bekrup upa nakadei torna sik a Cretea kadahlon che kae. Kamansena che kha mandonsôt roh: upa inkhat kha a-omchen masetna kase nuhmei inkhat rōk kanei; khana asahei kha akataksen akachang sik, khana a'nvetsak a rahmingset kaneimak akachang sik hei kae. Ajârchu bekrup hlamkakei inkhat kha Pathen innshung tōnkarôn achang jâra, a-omchen nōrna kase akachang sik kae. Ama racham kase, hnuk kanabei, Ju inrui, chokchi katlo, sêr leh sum phâmrai kase akachangmak sik kae. Ama akathā indu, khōhme ralam katham akae nger sik kae. Abinga a'nsurtor, kadik a, inthenga, khana dân thōia aka-om akachang nger sik kae. chōnna leh intōk a taksenthei kachang tōng inhri kha kahnet a amatu nger sik kae. Hing'hin ama'n akadik mantheina vâng khan milak-hei amathok thei sik hei khana khava kadōiheï ðhena kha amalârtor sik jo mi inkhat in bekrup hlamkakei chang sik amaduhêr inchu, ama'n tōn kaðatak inkhat amadu kae. Mi inkhat in bekrup hlamkakei chang rong ati jon chu (1 Timothy 3:1-7) anzet dungjui a themna pui katluk mi inkhat kachang nger sik kae. Bekrup shunga kaom kataksen mirakip upa hlamkakei changthei mak ning. Bekrup shunga hlamkakei themna singna pui katluk an-om mak jon chu, bekrup kha pui atluk mak karseng, taksenna kanei mihe'n bekrup injomkhomna kha anta ansui sik kae.

Bekrup upa hlamkakei hei le tōn katlosap sik a bekrup inphopui hei anta kadei sik hei kha kae. Anmani kha Pathen suk hei kae khan bekrup hlamkakei hei thōia tōn anta tlo sik kae. Hinghin amnani tōn hmun kha paul'n alei mazet, bekrup inthōpuihei kha'm malung intheng leh omchen kaðha akachang sik hei kae; anmani sêr leh suma phâmrai kase leh Ju katamtak ka-in akachangmak sik hei kae; anmani'n mandon ðhen theina intheng seng vâng khan taksen jâra

akadik ahon'lâr kha kahnet a antamatu sik kae. anmani hma inkeia enmansin sik hei kae, anmani'n khava enmansinna kha antor inchu, t̄on kha tlo hei rasoh. annuhmeihe kha mi kahri inset mak omchen kaṭha akachang sik hei kae; anmani heirakip a malung kasing leh malung intheng akachang sik hei kae. bekrup inthōpui mihei kha nuhmei inkhat rōk kanei, asahei leh a-innshung kaṭha kahlō mi akachang sik hei kae. khava t̄on kaṭha katlohei khan kajana kha anbinga an-inhmua kae khana Jesu Christa antaksenna chung a inngamtak a anhritora kae” (1 Timothy 3:8-13).

Hiva hi Pathena inphut bekrup Injomkhomna kha kae. Christa hi bekrup lu kae, khan hmun hlop-hlop a kaom bekrup anbi binga Injomkhomna sik upa hlamkakei leh bekrup inthōpui anta nei et sik kha kae. Anmani rathaneina thōia, oja hlamkakei, mi intheihe kha akataksen hei kaom hei. Rongpu Pathen lungdo dungjuia, bekrup loi inkhat in thatmak aleitlo jo achang innum, ahlak he'n taksenthei taka kaom thei hei. Bekrup shunga kaom mi rakip in mantheina kadikmak ting anlei se jo achang innum, mi inkhat ruk innum thi katlung taksenthei kachang thei sik. Pathen mantluk bekrup Injomkhomna dungjuia, hmun hlop-hlop inkhomna akaom bekrup hei anbi binga chontheina ratha annei et a kae. Mihring tasyem dân khan khitmanchun mak hei tâkkha Pathen lungsetna khan akhit manchun hei a kae. Christa a inkhat ruk anchang jâra anmani khat le khat inpunkhom hei khan t̄on antlo sap a kae.

T̄ong inthenga Peter achang mak leh mi hlop inkhat bekrup alu kae ti eini nihmu nak mo. Bekrup upa hlamkakei inkhat in hmun hlop-hlopa inkhomna kaom bekrup hei ama rathaneina thōia kaom et sik hei ti nihmu nak mo. T̄ong intheng shung “clergy” (bekrup t̄onkatlo) khana “laity” (bekrup a mipui hei ngirhmun) inti t̄ong rahme hei hi tei phung mak me. Tuninga raleichunga inkhomna hlop-hlop anthen khuina jârpen chu katam hlang in Pathen tamantluksa bekrup Injomkhomna inphut antlansōt jârra kae (kala tak a kaom hei). Khava jârra Pathen injomkhōmna inn man-enna lim khaṇaṭ t̄ong intheng tari bekrup Injomkhomna le bekrup omdâna ninle theinasik tâk tori.

## T̄ONGDER HEI

### **Kadik t̄onga mason roh:**

1. Bekrup kha tu taphunsōt mo?.....
2. Hein le hein jmo bekrup ansem?.....
3. Christa bekrup hi taksa mo achang mak leh rathla mo?.....
4. Bekrup heiya mo kaom?.....
5. .... Raleichunga kaom mirakip ta aleichang innum

- .....
6. Hmun hlop - hlop a kaom mi lising lising hen an-om omna hmunna lei intup heiya khana.....
7. Christa bekrup sarkar (invaironna dân) hi omhmun inkhat shunga mo, ram pumkhat shunga mo (sarkar inkhat shunga ram), ram le ram inkar omchen shunga mo?.....
8. Pahren bek inn raleichunga mihring tasak innpui anei mo? .....
9. Bekrup lu kha tumo?.....
10. Omhmun inkhat shunga kaom inkhomna hlamkakei hei kha tuhei mo? .....
11. Upa hlamkakei hei le bekrup inthōipui hei tōn kha hei rahlam mo?.....
12. Inkhomna inkhata upa hlamkakei le bekrup inthōipui heiya sasam mo kaom sik hei?.....
13. Upa hlamkakei hei rahming hlop hlop hei kha hei rahlam mo? .....
14. Upa hlamkakei hei taneisik themna kha hei rahlam mo? .....
15. Bekrup inthōipuihei taneisik themna kha hei rahlam mo? .....
16. Upa hlamkakei sik le bekrup inthōipuisik themna pui katluk mak hei kha omhmun inkhata inkhomna hlamkakei kachang thei sik hei mo? .....
17. Hing kapo ÷ongboina aom jo inchu, tunmo bekrup hlamma akei sik? .....
18. Hei khonga mo inkhomna hei khan anchun hei? .....
19. Pathen injomkhomna inn man-enna lim kha kadik niti tor sik mo? .....
20. ÷ong intheng dungjuia peter hi bekrup lu mo kae?.....
21. Bekrup tōntlona inn inkhata kaom bishop (hlamkakei) inkhat in omhmun hlop hlop a kaom inkhomna hei chungga invaironna ratha anei sik kae tia ÷ong inthenga nimu mo? .....
22. Pastor (hlamkei) inkhat in bekrup lak hei chungga invaironna ratha anei tor sik mo? .....
23. ÷ong intheng shunga clergy khana laity ÷ong rahme inni hei hi natei phung mo? .....
24. Hei jârra mo raleichunga inthen khuina hingya akasok? .....
25. Bekrup injomkhomna man enna lim chung change khonmo kase sik me?.....

## **LESSON SEVEN**

### **BEKRUP HLUTNA**

Heitukrepa abekrup amaru kachangmo ti einin nihmu sōt jo. Khachu ÷ong inthengin amanthei me Christa'n abekrup sik aleithi pēk jo me (Ephesians 5:25), athisen vâng aleirachok jo (Sonlehei Tōntlo 20:28), khana ama hi bekrup kahuk inhringpa kha kae (Ephesians 5:23). Tōngder hei kha chu, anemna kaom mak heikhat sika Christa'n akathi sik mo? Anemna kaom hermak bekrup inkhat sik Christa'n athisen kalung sik mo? Mihring inkhat in Christa bekrup ah chang loa hukmanhring kachangthei achang inchu Christa'n bekrup kahuk inhringpa kachang thei sik mo? Changtheimak ning ti namasonsik ti inhor eng, kadiktak a chang theimak ning. Bekrup hi nemna kase kae, khana bekrup bâk (member) inkhat changloa hukmanhring nachen torsik mo? Kadiktak a mihring hingja bekrup chungchanga hlamlet ting anthui heia anmandonna anman mang pēk hei.

Tōng inthengin bekrup hi eini kahuk inhringpa kae ti mantheina ommak, tak hukmanhring nichang thei nasik ama bekrup a kahlut (kaom) sik me kae ti amanthei me. Rokōng kha hukmanhringpa leichang mak a kaeh, tâkkha Noah leh a-innsung mihei Tui kalen inphut hukmanhring anchen nasik rakōng shungga kalut sik hei kae, kha leh in-ang hrepa hukmanhringna hi bekrup a kaom. Khana mi inkhat in hukmanhringna achen ruk changloa, anitinna bekrup inloikhomna Pathen in alei hapsa hei kae. Pentecost kani ning khan, anmanin Pathen ÷ong intheng anleitheipha, antâksenna anlei juia kae. Pathen manpâkna leh inthōia mi rakip hri manthatna kha anleichen. Khang khan hukmanhringna kachen jo hei rup kha ani tina Rōngpu'n abesapēk ÷hak heia kae (Sonlehei Tōntlo 2:47). Mihring inkhat in hukmanhring achen jo achang inchu ama kha bekrup mi jo kae. Bekrup mi achang mak jon chu ama kha hukmanhringna chentor mak ning. Abekrup a changloa, tute inkhat bekrup mi kachangmak inkhat bek hukmanhring chentor makning. Christa bekrup mi kachang mak tute inkhat hukmanhringna chentor makning.

Christa hi bekrup kahuksōtpa, kataksenna hukmanhring kachen rakip abekrupa aleihapsa hei, kha achang inchu bekrup a nihlut thei nasik Pathen tamantlo nōm tōn kha hei mo kae. Hiva hi ÷ong inthengin inचना ahri manchen pēk me. Tak Rōngpu Pathen bekrup shungga nihlut theinasik ban kanaia enhri.

1. Anmanin akadik kha anthei sik kae: khava jâra ÷ong kha antheia inphut taksenna hi kahong, khana Christa kha hrilelena inphut ÷ong kha kahong (Romans 10:17).

2. Anmanin Pathen ataksensik khana Christa um antaksen sik kae. Jesu'n ahnenga ati, "nanmalung manrim mak ruh: Pathen taksen ruh, khana ke'm ataksen ruh" (John 14:1).

3. Anmanin setnahei inphut malung anthleng sik kae. Kha changmak! Kahri pêk chei kae, nanmalung nanthleng mak inchu, nankhenga anmani kapōa akathi sik chei kae (Luke 13:3).

4. Anmanin Christa hi Pathen sapa kae ti anbeivâng anphōngsōt sik kae. Ajârchu mihei hmaikunga kami anchangna kahrisōt hei kha, kēnum marvâna kapa hmaikunga kahrisōt sik hei (Matthew 10:32).

5. Khan aman asetna sop mantheng achangtheinasik tui wang baptize atlo sik kae. Hiva tuihlut hi tuia inphum kae. Ajârchu, eini Jesu Christa leh inchunna shunga tui hlutna nichen pha, eini ama thina shunga inchun jo me ti hi inchêna nanmanhret. Pa lûrna rathahrat khan Christa kha thina inphut akei mathōi kapōa eini hringkhōther inkhat a nihringna sik, eini tuihlut a khan ama leh inphûmsap jo me khana athina kha nichenpui sap jo kae (Romans 6:3,4, Sonlehei Tōntlo 8:26-39). Tu achang inum akataksena tui kahlut mi kha hukmanhring kachang sik; tu achang inum akataksenmak mi kha maset achen sik (Mark 16:16). Khava pha Peter in hing'hin aleihri pêk hei: "nansetna rakip a inphut rangei mandam nanchena, Pathen kutchoi pêk rathla intheng nanchena sik; nansetna heia inphut nanbing et a he'nhesōt ruh, khana Jesu Christa rahminga tui kahlut chang ruh (Sonlehei Tōntlo 2:38).

Hiva lesson hin heimo anchu me? Hukmanhring kachen hei kha anitinna bekrup a aleihapsa hei. Hiva tina chu, mi inkhat Pathen tong rih kha ataksenna ajuj jon chu ama kha hukmanhringna achen jo khana nitinna inthenghei kara (bekrup) a ahapsa jo. Khava jâra tong kha antheia inphut taksenna hi kahong, setnahei inphut malung athleng sik, Christa hi Pathen sapa kae ti bei wang phongsōt sik, asetna sop mantheng (hukmanhring) achangtheinasik tui wang baptize tlo sik. Khava jârri mi inkhat in hiva heiseng ban kanai taka aheitlosōt pha ama kha nitinna abesa hei kara ahapsa jo kae. Ajarchu Pathen tong juisik hi pathen ta mantluksa kha kae.

Hiva lesson hin heimo anchu me? Hukmanhring kachen hei kha anitinna bekrup a aleihapsa hei. Hiva tina chu, mi inkhat Pathen tong rih kha ataksenna ajuj jon chu ama kha hukmanhringna achen jo khana nitinna inthenghei kara (bekrup) a ahapsa jo. Khava jâra tong kha antheia inphut taksenna hi kahong, setnahei inphut malung athleng sik, Christa hi Pathen sapa kae ti bei wang phongsōt sik, asetna sop mantheng (hukmanhring) achangtheinasik tui wang baptize tlo sik. Khava jârri mi inkhat in hiva heiseng ban kanai taka aheitlosōt pha ama kha nitinna abesa hei kara ahapsa jo kae. Ajarchu Pathen

ṭong juisik hi Pathen ta mantluksa kha kae.

Paul'in ave nok arih, nikhenga taksa pumkhat shunga rathla inkhat rōk a thui amanhlut jo me (1 Corinthians 12:13). Tâkkha taksa kha hei mo? Kha-chu bekrup hi kae (Colossians 1:18). Taksa heija mo kaom? Taksa inkhat (Ephesians 4:4, 1:22,23). Hei khong mo mi inkhat in kahlut thei sik? Tui hlut vâng (Mark 16:16). Khava ṭong kha Corinna ka-om milak he'num antheia, antaksena, tui kahlut jo hei (Sonle hei Tōntlo 18:8). Tuachang inum akatak-senna tui kahlut mi kha Christa bekrup a ahapsa jo khana Christa bekrup kachang jo.

Kumsot hringna sik hlam inkhat ruk kaom, einin nimu kapōa hukmanhring kachang jo hei bekrup shunga ahuksōt jo hei kae. Ṭong inthenga niteisōt bekrup mi (mihlip) nang um kachang jo che mo? Nalei chang mak jo achang inchu, nang hukmanhringna lachen mak hi che. Natak khat ah in-jong roh, ṭong intheng hi teisōt roh, khana Rōngpu ṭong hri hei hi taksen inna alungdo tâka tōn tlo roh, kha achang inchu nang um abekrup ah ahapsa de sik che.

## **ṬONGDER HEI**

### **Kadik ṭonga mason roh:**

1. Bekrup chungchanga ninthemchukna shunga hei mo nahmusōt kaom? .....
2. Bekrup sika tunmo thina ade?.....
3. Hei le mo bekrup kha alei rachok?.....
4. Bekruk kahuk inhringpa kha tumo?.....
5. Bekrup hi akahlu kae tia hei khong mo nimanhring tor sik?.....
6. Heisa mo mi tharep he'n bekrup hi rangeisik om anta ti?.....
7. Bekrup in ahukmanhring che mo?.....
8. Hukmanhring chenasik mi inkhat in bekrup mi kachang nger sik kasōk mo?.....
9. Tui kalen inphut huk mnhring anchen nasik Noah le an innshung mi hei kha khomna kaom sik hei?.....
10. Rakōng vangting hukmanhringna kaom mo?.....
11. Hukmanhring kachang jo hei kha tunmon bekrup shunga ahapsa hei? .....
12. Hiva bible arup le chang pêk ro.....
13. Mi inkhat in ringna achen jon chu, ama kha abi-binga tu bekrupa mo ahapsa?.....

14. Mihring inkhat in Pathen bek-inn na kajao thei sik mo?.....
15. Bekrup a hlut theinsik tōn hlam 5 hei kha khei rahlam hei mo?.....
16. Ṭongpêk jui loa mihring inkhat in hukmanhring kachangthei sik mo?.....
17. Baptism (tuilut) inti hi hei mo?.....
18. Baptism (tuilut) ajar kha hei mo?.....
19. Rengram kha hei mo?.....
20. Rengram hlut theina sik hlam inklat kha hei mo?.....
21. Taksa kha hei mo?.....
22. Taksa heiya mo kaom?.....
23. Mi inkhat in heikhong mo kalut thei sik?.....
24. Hukmanhring chenna sik hlam heiya mo kaom?.....
25. Bekrup hlut theina sik hlam heiya mo kaom?.....

## LESSON EIGHT BEKRUP KAMŪKNA

Bekrup hi hukmanhring kachen mihei tasyem kae. Anhmani tatlo sik tōn khachu Christa Jesu-a Pathen kamŭk sik le rajansik hi kae. Paul'in ati, heirakip nanta hri leh nantatlo kha, ama inphut pa Pathen kha manpākna, Rōngpu Jesu rahminga nantatlo sik kae (Colossians 3:17). Ṭongtephther ah kamŭkna inthum nimu. Inkhat changna, manhret loa kamŭkna. Paul'in athena kaom Mars chingtanga kalonle ah, khopui shunga limsyem kasiptak kha ahmu sōt pha amalung leihōi her mak. Nankhōpuia hin kalōnle enga nankamŭkna hmun-hei ka-en in, maichâm inkhat chungna, 'manhret lo Pathen hneng' tia a'nzet kahmu sōt. Kamŭk chu nantakamŭk a, manhret chu manhret lo chei, khava Pathen kha tūnhin nanhnenga kaphōngsōt kae (Sonlehei Ṭonṭlo 17:23). Anmanin manhret lo Pathen anta leikamŭk kapōa tuning um eini kâra manhret loa Pathen kakamŭk mi hingja kaom jo hei. Mi lising lising ruk in seymthu lim anta kamŭk chang loa, lising raja hingja he in ṭong intheng manhret loa rale-ichunga Pathen kamŭkna hingja ankamŭka kae.

Inhni tlukna, ṭong intheng tari dungjuia, anmanin ahnemna kasea Rōngpu antakahmuk. Antakahmuk eng hi anmani sik a ahnemna om mak, ajârchu anmani'n mihring dân kha kei dân kapōtak an mihei anmanthei heia kae!" (Matthew 15:9). Atunna phât hin mi katam hlang in ahnemna kasea Rōngpu Pathen ankamŭka kae. Anmanin Pathen ankamŭk kadik, tak antakamŭk kha ahnemna kase kae ajârchu anmani'n mihring dân kha Pathen dân kapōtak a mi anmanthei heia kae.

Inthum tukna, kadiktak a le rathla ah Pathen nitakamŭk sik kae tia Pathen ṭong intheng in amanthei me. Pathen hi rathla kae, khana ama in muk sik rakip in rathla leh kadik tak a anta kamŭk nger sik kae (John 4:24). Hiva kamŭkna rŭk hi kae Pathen tarahlang sik kha. Christa phât laia kamŭkna kadik kha tuning eini sik am kadiktak kamŭkna kha kae. Rathla (insinsaktak a le manhretpuma) leh kadiktak (anzet ṭong) a kamŭkna khan Pathen neng athui sik me. Mi inkhat in Pathen atakamŭk nger sik ti ṭong pêk hi ommak, tâkkha akakamŭk sik mi hei khan rathla leh akadik tak a antakamŭk sik kae.

1. Pathen dikna ṭong kha kadik a inthei nasik lei intuphei kae. Khana Timothy kha asinlaia inphut a, singna kapêktor Jesu Christa Ṭong intheng anlei manthei a achang inum Paul'in amahneng mathona ṭong hinghin alei mazet (2 Timothy 3:15). Pathen dikna ṭong kha kadik a inthei, aṭōn tlon chungna inzakna kaneimak mi inkhat kapōa Pathen hmaikunga pui katluk manṭhatna chenna sik nator chenna intlo roh (2 Timothy 2:15). Hiva hi Pathen kamŭkna



shunga hong intup christain rakip sika kae. Pathenin asa kachang rakip hneng ÷ong intheng vâng anbêk puina pha kha hi kae. Paul;in akataksen (anthen) hei neng Pathen ÷ong intheng manthei kapōa alei hri pêk hei.

2. Anmanin derna anleinei kae: Pentecost ning anmani Pathen ÷ongpêk anlei jui kahnunga, einin hinghin nitei sôt, khang'khan sonle heia inphut them inchuna, inloikhômna khana thlaithleng o-sômna leh derna neisômna anpha anleimang joa kae (Sonlehei ÷ontlo 2:42). Pathen mihei in derna in- phut Marnvana kaom anpa Pathen leh inbêkna phât kha annei. Christain hei kamûknasik an inloikhôm kâra derna anjao mak inchu heimo kachang sik?

3. Manpakna hla ansak a kae: kamûkna hla, manpâkna hla, khana hla intheng ÷ong vâng khat leh khat inbek ruh; nanmalung shunga manpâkna hla leh inthōia Rōngpu hneng choi ka-âna hla leh kamûkna hla sak ruh (Ephesians 5:19). Khana Colossians 3:16 leh Hebrews 13:15 hi enru. Pathen choi ka-an hi inhni kaom. Inkhatna kare vâng khana ÷ingtang serangdar (khutsyem kare) vang. Khang kava kapo choi ka-anna mo Pathen lungo hi? Paul in ati, nanmalung shunga manpâkna hla leh inthōia Rōngpu hneng choi ka-âna hla leh kamûkna hla sak ruh. Hiva hin khutsyem kare-a choi ka-anna hi, asōk manhmang a kae. Malai-a christain he'n Pathen manpakna hla anleisak. Phât khat sō leh mihring hein khutsem kare hi anhei hapsa de a kae, tak Pathen lungdo chu changtormak, khana rahlang um rahlang mak ning. Khutsem rasa/kare vang Pathen hneng derna antanei kapōa khutsem kare vâng Pathen choi ka-anna hla sak jamak ning.

4. Thlaithleng o-sômna leh derna neisôm nasik le'ntup (inkhom) hei. Hiva man enna hi, eini Sonlehei ÷ontlo 20:7 hi nihmu. Matthew 26:26–28 khan 1 Corinthians 11, tu achang inum Rōngpu Christa taksa mandonsōtna sik buhlom kha antasâk sik kae khana athisen mandonsōtna sik kōklei kha anta insik kae. Hiva hi tuning katlung einin nitlo sik tōn kae.

5. Anta nei kakhôm sêr anlei pêk a kae. (anleimanboka kae). Corinthianna leh Galatia kaom akataksen hei hneng Paul in ÷ong alei pêk hei, kei kahong pha leh sêr ÷heina a-om makna sik Pathen kani akai, mi rakip in ahlōsôt dungjuia apêk sik kha ahlop a leimankhôm ruh (1 Corinthians 16:2), 2 Corinthians 9:7 Um Teisôt Ro.

Pathen kakamûk sik a serning kani ning malai-a Pathen katâksen heikhan lenkhom hei (Sonlehei ÷ontlo 20:7, 1 Corinthians 16:2). Khan an- chunga ÷ong kanettak inkhat sonle hei anhlei masō, intûpna mi ÷hahrep chu invei mak hei, eini chu angaia ni'ntûp ÷hak hi bângmak rih. Khava kanek a, Rōngpu kani kha ahong hnaichet jo nanhmu jâra, kakhe chet a khat leh khat

malung inthok tō rih (Hebrews 10:25). Malaia-a christain hei Pathen kamûk-dân kapōa tunlai christain heiin Pathen antakamûk sik kae. Pathen kamûk hi intat changmak tâkkha mihring hingja katu rih heia kae. Ajârchu anmanin mihring hei dâna le tamandon hrep a Pathen kamûk na sik tōn ranâka ant- loa kae. Derna annei pha tharêp heichu, mihei tatheisika achang mak leh mi malung surna sik a anderna kha ave vea anhria kae. Pathen kamûkna sik alungdo kha aṭong intheng vang aman hmu mea kae. Khava chungã tute inkhat bekin losōt khan chu hapsa thei mak ning. Pathen lungdo chu, ami-hein aṭong rih anta jui sik. Kha achang inchu Pathen manpakna hla, choi ka-anna hla khana manlūrna annei tor sik a kae.

## ṬONGDER HEI

### **Kadik ṭonga mason roh:**

1. Bekrup hi heiin mo asyem?.....
2. Bekrup anphutsōtna jar kha hei mo?.....
3. Rōngpu bek-inn shunga heiṭōn mo tlosōt sik?.....
4. Ṭongteṭther shunga kamûkna heiyan mo nihmu?.....
5. Lim katamtak aleihmu pha Paul kha khonmo kaom?.....
6. Anmani kamûkna chungchanga heimo ahri?.....
7. Anmani kamûkna kapōa anmuk tuning um mi kaom hei mo?.....
8. Anemna kasea Pathen antakamûk ti tunmo alei ti?.....
9. Anmani takamûk khahei jârra mo anemna kaon mak?.....
10. Hiva Bible arup le chang pêk roh.....
11. Tuning um anemna kasea Pathen anmuk mi kaom heimo? .....
12. Kamûkna kadik kha heimo?.....
13. John 4:24 sun roh.....
14. Rathla-a Pathen kamûksik, hei tina mo?.....
15. Kadiktak a Pathen kamûksik tina chu?.....
16. Ami heisik pathen tamadu kamûkna kha hei mo?.....
17. Pathen mi hein anta kamûkna sik hlam kha khonmo nimu?.....
18. Kamûkna chungchanga ṭong pui 5 hei kha hei rahlam heimo?.....
19. Tuning heikhongmo Pathenin mihring hei hneng ṭong ahri?.....
20. Pathen sa hein heikhong mo Pathen le anbek hei?.....
21. Music (kare) inhni hei kha hei rahlam hei.....
22. Pathen tamadu kare inhni hei kha hei rahlam hei mo?.....
23. Rongpu jan thlaisak kha hei mo?.....
24. Hapta khat shunga hei kani ning mo Christian hei intupkhom sik hei? ..  
.....
25. Pathen tōnmantluk kamûkna chungchanga mi inkhat in heikhat ahapsa achang mak le alosōt thei mo?.....

## LESSON NINE BEKRUP TŌNTLO

Bekrup hei jâra mo ajōng kaom? Ama tatup pen hei mo kae? Ama tōntlo hei mo? Hiva seng Hmusōt theina sik Pathen tōng inthenga nijongsut sik kasuk.

Ama inkeipenna, bekrup inkhat in a tōntlo sik hi sêr-leh-sum keisōna sik inchuna school, akana en-enna sik hospital mahlang sik hi a tōn changmak. Khana sêr-leh-sum hmutheina sik lekharabu semma khan jor sik um changmak. Hi heiseng hi Christin milep inkhat tatlo sika tōn katha papen achang innum bekrup tatlo pen sik tōn chu emak a kae. Raleichunga loi hlop inthen, dhar- mo katam tak in hiva kapo tōn atlona ah anratha anhuk checheta ranak a pontho taka antlo a kae, khana Pathen nin ami hei sik atamadu tak leh atatup pen kha chu anda hlon joa kae.

1. Pathen Tōng intheng hrimanthang sik. Jesu Christa'n thi-a inphut athōisō kahnung, chungting aleike makhma det asonle hei neng tōng alei pêk hei, nangni mi rakip hnenga, hmun rakip a se ruh, kasonle vasyem hei ruh: Apa, Asa, rathla intheng rahminga Tui manhlut hei ruh, khana ka tōng pêk chei rakip hi anjuina sik manthei hei ruh. Khana pha a'nchaina katlunga ahei tik a ke'n ka'nthōipui thak sik chei" (Matthew 28:19-20). Jesu'n anhnenga ahri, "vânhnōi raleia se ruh khana mihring rakip hneng tōng ka tha hi vahri ruh. Tu achang innum akataksenna tui kahlut mi kha hukmanhring kachang sik; tu achang inum akataksenmak mi kha maset achen sik (Mark 16:15-16). Paul in Timothy hneng mathona tōng alei hri, tōng kha nahrilena sik, phōngsōtna sik a, mi mansena sik a (aphatak achang inum, achangmak inum), mi jōrna, mi rakōkna, mathokna, mansena, khana dehratna rakip leh manthei hei roh (2 Timothy 4:2). Bible arup le chang hingja nipêk de thei tak hinna apêk hei hin nita hmu sōt kha chu tōng intheng mantheisik khan hrile le sik hi Pathen tamadu pen kae. Sonlehei pha ah bekrup in heimo alei tlo? Bekrup bâk (members) hei khan Pathen tōngpêk dungjuia tōn anlei tlo. Pathen tōng intheng anhrile joa kae. Hiva man-enna hi sonlehei tōntlo a nihmusōt. Pathen hneng anhong hlut pha Pathen lungdo taka mi hei kha alei manthei hei, (Sonlehei Tōntlo 2, 8, 10).

Tōng intheng inhrile na leh man- theina kha tunmo alei tlo? Jerusalem- ma kaom Pathen mihei chung a inrimna leh khodengtheina ahong tlung sō jo pha ti einin nihmu, takkasen a'nthek- chek rakip hei khan anselena rakip a tōng kha anleiphōng (Sonlehei Tōntlo 8:4).

Anmanin heitōng mo anta lei phongsōt? Pathen ka- oi chungchanga

einin sonle hei tōntlo a nitei inchu anmanin heimo anta lei hrile/manthei hei ti inचना nihmanhret sik. Bible katoi teka enhri, Apa, Asa khan Rathla intheng, hukmanhring changna sik, bekrup inkhat changna, kamûkna tōn-hlam khana Christian hringkhō inkhat changna chungna anlei hri pek heia kae. Paul in hinghin ahri, ajârchu thingrake chungna Christa athi tong inhri hi a'nhmanghei hneng chu invetna kae; tâk hukmanhring kachang eini sik a chu, hivahi Pathen ratha hratna kha kae (1 Corinthian 1:18).

Aṭong intheng kahrilele sika Pathen in tongpêk aleipêk hei achang ravâng, Paul in hinghin ahri, khava jâra tong kha anthei-a inphut taksenna hi kahong, khana Christa kha hrilelena inphut tong kha kahong (Romans 10:17). Avea Christa'n ati, akadik kha nanmanhret sik, khana akadik khan nangni amasō sik chei." (John 8:32). Tâk-kha anmani'n antaksen mak in-chu heikhong mo a'nthōpuina sik antabek sik? Khana aṭong kha anthei mak inchu heikhong mo antataksen sik? Khana aṭong kha anva hrile mak inchu heikhong mo antathei sik? (Romans 10:14). Hiva tina chu mihring hi set-na kathi jo me kae (Romans 3:23, 6:23), khava jârra Pathen lungsetna kha hmuntinna phongsōt dik kae (Romans 5:8), mihring he'n tiansōtpa anei ti malarna sik (John 3:16) khana Pathen tong juina khan set ingeidamna anta chen sik kae (Romans 1:16,17, Mark 16:15,16), khana Pathen inhret mak hei leh ni Rongpu Jesu Christa tong- katha kajui mak hei haksêr anta chen sik kae (2 Thessolonians 1:1-9). Khava jârra Pathen tong intheng hi jat rakip neng phongsōt sik kae.

2. Khodeng theina ka-en insui: Tong inthenga khodeng katheihei kha bekrup he'n anlei inthōpui hei khana ankhōdeng theina rakip-a lei indo hei tia einin nihmu. Sonlehei Tōntlo 2:45 a nihmu kha chu, anmanin anta nei neiinak hei kha anyōrra ankhenga Sêr kha anta hmang sik eat antlukna sik dung juiya insem hei. Hiva hi anmalung khakhomma anlei tlo kae. Takha Sonlehei Tōntlo 6 a nimu dung juiya Greek tong kayom jehudi hei leh ahmun- na kaom jehudi hei kârra innâkna hong koam joa kae. Ajârchu Greek tonga kaṭong jehudi renghmei hei kha anitina na ansêr hmang sik anta sem pêk hei kha hong don chêt chetmak jo hei tia thangtlom le'nlo hei. Khava jârra tunchu hiva bekrup tōn ka-en sui sika sonle hei mi sari akasing le rathla intheng kasip ankârra anlei kadei sut a kae.

Paul in Jerusalem kajōnna mi-sara khodeng kathei hei intho puina sik lei kase. Ajârchu Jerusalema Pathen mihei kâra sarahei inthōpuina sik Macedonia leh Achaia bekrup he'n mankasea tōkna anneia kae (Romans 15:26). Paul in Corinth bekrup hei hneng lekha alei sunna kae, tûn, Judea ram a Pathen mihei inthōpuina sik sêrtōklôm chungchânga nanta heimazet ngeitōna. Ga-

latia bekrup-hei hneng kahri kapōa, nangni'num nantatlo sik kae. kei kahong pha leh sêr theina a-om makna sik Pathen kani akai, mi rakip in ahlōsōt dungjuia apêk sik kha ahlop a leimankhôm ruh (1 Corinthians 16:1,2).

Tumo nita inthōpui sik? Adekdet-a bekrup shunga mi-sara khodeng kathei, renghmei, nule pa kanei mak hei. Khava jâra pha nineilai hin, in-jôn- jet a mi rakip hneng akaṭha kha tlo rih, adek a taksenna shunga, ni-innshung mihei hneng tlo det rih (Galatians 6:10). Takhkha mi rakip inthōpui sik chang- mak. 1 Timothy 5 a nihmu dung juiya Pathen innshunga kaom taksenthei kachang, abinga antho katormak, a innshung ule nai kanei mak, inchen taka renghmei kachang, katêr khang kapō hei kha intho pui sik hei kae. Ajârchu bekrup ser kha anemna kasea nihmang mak nasik tak kasing taka nihmang inkhe beitamna omloa hmang nasik.

James 1:27 Le James 2 nitei kapōa, bekrup inthōpuina hi Pathen mi hei neng ruk inthōpui sik chang loa, mi-sara khodeng kathei, inthōpui sik pui katluk hei kha bekrup in anthropui sik hi rahōi kae. Hiva ṭōn hi Pathen ṭong intheng mi rakip neng niphongsōtna kha kae.

Tâkkha hing kapo ṭōn tlon sêr hi khonna input mo kajōng? Christa bekrup bâk he'n, anmalung khakhomma anta pêk sêr a inphut kajōng kae (1 Corinthians 16:1,2, 2 Corinthians 9:6,7). Hiva tina chu bekrup mihei anhei pêk mak jon chu, bekrup tōntlo nasik sêr ommak ning khana Pathen tōn katha um intlo thei mak ning.

3. Bekrup khangsōt nasik: bekrup khangsōtna tina chu, khat le khat in-bom to-sik, khat le khat malung inthok to-sik. Mirakip mado thei sik, akatlasam kha inthōpui sik, tit kase kha amalung manngam pêk sik, ratha kase kha manse sik tia mathokna pêk sik, inloikhôm sik, khana Ṭong intheng inthei sik kae. (Sonlehei Ṭontlo 9:31, Romans 14:19, 1 Corinthians 8:1, 1 Thessalonians 5:11, 1 Corinthians 14:26, 2 Corinthians 12:19, Ephesians 4:12).

Anchaina, hing kapō ṭōn kalen hi hei khong mo raleichunga kaom orga- nization (injomkhomna) alak lak hei jao loa, mihring inkhat in bekrup lu chan- gloa, khana sêrbûk hmuloa heikhonga mo bekrup in atlo tor sik ti mi katam hlang in inlak ansak her. Tâkkha Rongpu tamantluk hlam kha kathapen kae, ajârchu hiva ṭōn nitlo theinasik chu ama ruk kae. Pathen manpâk hla nisak sik, kayana nipêk sik kae, khana ama lungdo pui tlukna sik leh raleichunga niom kar seng hōi atlung nasik Pathen niman lûr thak sik kae. Christa hi bekrup lu kae, hmun hlop-hlop anloikhom rup hei kha bekrup bâk hei kae, khan an- manin anta tlo sik ṭōn antlo eat a kae. Bekrup bâk hei khan anta pêk sik rahōi kasuk kha anhei pêk pha bekrup in pui katluk tak a ṭōn atlo tor sik kae.

Aṭong intheng hrilele, misara khodeng kathei inthōpui, khat leh khat inbom to, hi hei rakip hi inhmang sik rathla huksōt nasik kae, khana achaina Rongpu Pathen kha einin nimanpak thei sik. Hiva hi bekrup ṭōn tlo sik kha kae. Raleichung chondân, ala-lak ṭōn, khana Christa bekrup hi heite kachang mak inkhata nihon mathlâk jo achang inchu khava kha Pathen ṭong intheng inphut kahla taka kaom joa kae. Rongpu bek-in hi rathla taksa kae, raleichunga alei om joa achang innum raleichungta chu chang mak, Pathen ṭong juina sik injong sik khana mihring hei sepa tlo sik, kadik tak-a le intheng nenga omsik, akataksen Pathen mi hei, kumsot hukmanhringna anchen tor nasik, khana anikasempa manlûr thak sik. Hiva hi kae Rongpu bekrup khana ama ṭōntlo leh ama aṭon tlo nasik kha.

## ṬONGDER HEI

### **Kadik ṭonga mason roh:**

1. Rongpu bek-inn hi hei tōntlona mo kajao mak?.....
2. Raleichunga bek ṭong hingya hei in heikhat anemna sik ṭon hingya antlo hria kae, hiva hi anta the mo?.....
3. Bekruk ṭōntlo kha hei mo?.....
4. Matthew 28:19,20 le Mark 16:16 Pathen ṭongpêk kha sun roh.....
5. Mahlaia Christian hein hmun hlop lopa anlei lon lei mo anlei tlo?
6. Anṭong hri hei kha hei hei mo? .....
7. Khonna inphut mo taksenna ankhong?.....
8. Hei in mo ning le nomma amasō me?.....
9. Hei khong mo hukmanhring kachang sik che?.....
10. Tumo inhmang sik?.....
11. Inthōpuina kamadu hei chung a bekrup in malung acham pui hei mo?.....
12. Jerusalema kaom anthenghei khongdengna khan tunmo alei intho pui hei? .....
13. Mi rakip nithōpui thei sik mo?.....
14. Mankeipen na tuhei mo ninthopui sik hei?.....
15. Inthopuina ramhri kha hei mo (abangna)?.....
16. Christian kachang mak hen ninthopui theisik mo?.....
17. Khodeng kathei hei inthōpuina sik sêr khonna inphut kom kahong? .....
18. Hei phât le mo ser nimanbuk thei sik?.....
19. Semsōt (edity) hi heimo hri manchen roh.....
20. Semsōtheina neinak hei kha hei rahlam hei mo?.....
21. Hei khonga mo Pathen nimanpak thei sik khana nimanhlûr thei sik? .....

22. Bekruk lu kha tumo? .....
23. Bekrup ṭōntlona ajar kha heimo? .....
24. Bekrup hi raleichung ta mo? .....
25. Sarkar invaironna, bekrup shunga ṭōntlo hei hi heikhong ahlop kachang thei sik?.....

## **LESSON TEN**

### **BEKRUP INPUMKHATNA**

Raleichunga bek hlang tinga loi hlop-hlop hen kani ralak ah antalei-boipui phung her mak tûnlai kahrat ah anta heiboipui pen kha chu bekrup inpumkhatna hi kae. Khristen bekrup rakip inpumkhat theinanasik tōnmantluk ( ecumenical movement) hin hmun hlop hlopa kaom mihring malung anman t̄lōn ah kae. Ajarpen chu raleichunga loi hlop-hlop inthen hi katamrei jo, mitim um kachim jo hei, anmater her joa kae. Kha achang innum intuktheimak loi hlop-hlop hei kârra inpumkhatna sik hingja anhria achang innum inpumkhat ah om ti hi chu akae thei her mak sik jo kae. Intuk inchamna achang mak leh injomkhomna phât bongkhat anei thei achang innum inthenkhui nan t̄ōn atlo veve sik. Kha achang inchu inpumkhatna omtheina sik hei mo nitlo sik? Hiva dotna (tongder) leh masonna chu bible shunga ruk ni hmu thei sik kae. Inpumkhomna kadik tak ah omtheina sik chu mihring hen anmi mantheina hei, antaksenna hei, an inbekna rahming hei, an bekrup hei, andân rabu leh alak lak anta( ban) dahlon ah, Bible antateiya, anta inchuk ah, anta taksenna antajui sik kae. Hingya hin antlo achang inchu John arup 17 na a Rongpu derna kapō tak a inpumkhatna kadik kha kaom thei sik. Hiva kapō taka min anhong juia achang inchu, heikat chung a antaksenna in-ang sik jo, anmi manthei in ang sik jo, rahming in-ang anei sik jo, a t̄ōn antlo sum thei sik jo, tong in-ang anhong hri sik a kha marvan ah akase sum sik hei kae. Mihring in mihring kanung jui anbang pha leh kabei taka inpumkhatna yong kaom sik kae.

Loi hlop-hlop-a inkhōithen hi Pathen in ahaksêra kae. Rōngpu tahōt leh tamadumak omchen kha t̄im leh re kâra bōina insō mihei hi kae. 1 Corinthians na nimu dung juiya Corinna kaom bekrup hei kara inkhōithenna leikaom. Paul in tong vâng chang loa t̄ōn vâng inhrang tak inkhōithenna hongasukna kha asuk man hmanga kae. Kasōpuihei, ni-Rōngpu Jesu Christa torna ratha vâng ke'n nankhenga kangêk chei kae; nankâra inkhōithenna a-om makna sik, tong inkhat nanhrina chung a intōk ruh (1 Corinthians 1:10). Khana anmani t̄ōntlo chungchanga Paul in tong rahme inthum aleider hei, khahei khachu, Christa kha arup-rup a ankhōithen jo mo? Nangni sik thingrake chung a aleikathi kha Paul mo? Paul sonle sik a nangni tuimanhlut aleikachang chei mo? Hiva tongder inthum hei hi aluk let-a anlei mason thei a kae. Khava jârra anmanin arup-rup a ankhōithenna inpangna kha alei malâr pêk heiya kae. Kasōpuihei kangek chei kae: nanta rahlângsa jo intheina kha akadōia inthenna insō leh mihei taksenna makhup-malet katlo mihei kha chîk hei ruh. Anmania inphut ahlop a om ruh. Ajârchu khanga akatlo mihei khan ni-Rōngpu Christa t̄ōn



kha tlomak hei; tâk anbing von khopna sik antatlo kae. Anṭong hri manhōi leh anbei them jâra ṭhenakasehei kha anhōn mathlâk heia kae (Romans 16:17-18), Colossians 2:20-22, nangni Christa leh kathisap jo chei, khana vâhnōi ralei vaikarôn rathla a inphut masō jo chei kae. Khan chu heisa mo hiva raleichung ta kapōa alakahring chei? Heisa mo khang khava dânhei kha nantalajui. “hivahi sitmak roh,” “khavakha mantem mak roh,” “alak kha tōnmak roh?” Tina hei kapō. Hiva seng hei hi vōi khat nihmang he'nchu hmangthei kaemak rōk hei kha kae; hihei hi mihring dân leh intheina rōk hei kae Mihring dân leh mantheina, mihring chung kadom manshangna, ṭong intheng lekhabu changloa alak lak lekhabu hei juihin raleichunga bek ṭong hei kâra hrup-rup (loihlop-hlop a inkhōithen) hi kaom kae. Mi inkhat in kadiktak a(Bible dung juia) Christa kanung ajui pha, pui katluka inkhatruk kachang thei sik hei. Christa'n derna aleinei a kae. “anmani sik rōk a kader changmak tâk anṭonghri katheia kei kataksenhei sik a'm kadersa kae. anmani ankhenga pumkhat anchangna sik a kader che. O, Apa, nanga kei ka-om eng, keia nang naom kapōa anmani einia pumkhat a an-oma, nang in najōngtîr eng hi vâhnōi in anmanhretna sik a kader che (John 17:20,21). Akachang thei her maksik inkhat a Christa'n derna aleinei mo? leiNei maka kae! Pumkhat kachang thei sik me. Hei phât le mo? Einin Christa kahunng nijui pha leh.

Mihring mantheina le dân hei khan eini hrup-rupa athen khōi me, tak kha ṭong intheng dung juiya Christa kanung nijui inchu pumkhat kachang thei sik me.

Ephesians 4:1-6 a pumkhat chang theina sik hlam hei kha nihmu sōt a kae. Khava jâra, Rōngpu razêna jâra khumi kachang ke'n nangni kangêk chei: Pathen in abeklai chei ama'n amanṭhat omdâna hring ruh. nangni ahei tik a nun-innem, nunkahōi, akadehrat chang ruh. Inkhat leh inkhat inbōmtō una inlungsetna kha malâr ruh. Nangni akakhit inchun lung mōngna vâng Pathen tapêk chei pumkhat kha kaṭhadek a inda kaṭha ruh. Pathen bekna cheia khan inhōrna inkhat a-om kapōa taksa inkhat, rathla inkhat ka-om, rōngpu inkhat, taksen inkhat, tui hlutna inkhat ka-om; mi rakip Rōngpu, mi rakip ṭon intlo, khana mi rakip shunga aka-om Pathen inkhat leh mi rakip pa kha ka-om. Pumkhat changna sik ngêkna kae. Hinna anzêt hei hi inkhat ruk hei kae. Tunmo inkhat rōk chang mak hei ati tor sik?

Pumkhat changna kha eini Matthew 16:18 na Christa'n kabekrup kasak sik aleiti, tina chu Bekrup inkhat, khachu ama rathla-a taksa (1 Corinthians 12:27), khana ama hi bekrup lu kae (Colossians 1:18), Christa'n lu inhni anei ti tute inkhat bek in mo mak hei ning. Bekrup hi Pathên bek-inn khana Pathên innshung tia lim ahman hmu me (1 Timothy 3:15). Tak Pathên in inn

leh innshung heija mo anei? Inkhat ruk kae. Christa rengam, Pathen rengam shunga Christa reng vaironna tia einin nihmu (John 3:3-5, Colossians 4:11; 1 Timothy 6:15). Pathen in rengam le reng heiya mo anei? Rengam inkhat khan reng inkhat ruk kae.

Arup rupa inthenkhui hi tong intheng in ahōt her-a kae. Alak inkhat ting chu, malung intlukna, pumkhat changna, puitlukna khana akhenga pumkhat ruk kae ti lim anman hmu mea kae. Tong intheng in raleichunga bek hlang- ting malung kahlut hei, mantheina leh taksenna hlop-hlop he'n bekrup anta sem kae ti lim pêktor mak a kae, tâkkha Christa-a kaom hei, huksōt-a (beksōt) kaom hei, Christa leh inloikhomna kanei hei khana atong pêk kajui hei khana hukmanhring kachen jo hei khan bekrup anta syem kae. Christa hi hrup-rup a inthen khuimak, khana abekrup um inthenkhōi mak a kae. Hrup-rup ah inthenkhui hi Christa kadōi kae khana Christa'n pumkhat chang nasik derna alei neiya kae.

## **ṬONGDER HEI**

### **Lungset taka mason roh:**

1. Bekrup pumkhat changtheina sik tuning ngêkna kaom mo?.....
2. Pumkhat changtheina sik malung pêksōtna ajâr kha hei mo?.....
3. Bek ting inkhena hei kha inkhak ruka niom thei inchu bekrup pumkhat kachang thei sik mo?.....
4. Pumkhat chagnasik a tong mason kha heimo?.....
5. Pumkhat changasik mihring in heima adalon sik?.....
6. Pumknkhuitat changnasik tunmo derna alei nei?.....
7. Pumkhat nichang inchu heimo kasōk sik?.....
8. Inkhui then hi tong intheng in ahōt mo?.....
9. Pathen in tumo ahōt?.....
10. 1 Corinthians 1:10 kha son roh.....
11. Corin bekrup hei hneng Paul in tongder inthum aleider hei.....
12. Khong kapō mi hei khamo merchikna ninei sik?.....
13. Tumo anta kamûk?.....
14. Anmani le ankar sik me mo?.....
15. Annemna kasea Rongpu anmuk hei kha tuhei mo?.....
16. Christa'n heisik jârra mo derna alei nei?.....
17. Aman akachangthei maksik a derna alei nei mo?.....

18. Pumkhat changtheina sik atlodân pêk roh.....
19. Atlodân heiya sasam mo kaom hei?.....
20. Christa'n bekrup heiya mo asak?.....
21. Bekrup hi heimo?.....
22. Ama lu kha tumo?.....
23. Christa'n lu leh taksa heiya mo anei?.....
24. Rongpun innshung heiya mo anei?.....
25. Pathen tong in eini akhuithen sik me mo achang mak le  
pumkhat mo aman chang sik me?.....

## **LESSON ELEVEN**

### **BEKRUP TAKSEN DÂN**

Taksen Dân (Creed) inti ƣonghrame hi Latin ƣonga “credo” khana ama hi hinghin anhri sôt, “taksena, Bek hlang tinga taksena hlamma kakei, Bek hlang tinga hlamma kakei achang mak le Bek hlang tinga taksena kaphongsôt; katoi hlamma sedân achang mak leh malung mandon. Mi inkhat in TAKSEN DÂN (Creed) ahei mandon sôt pha sonle hei taksena lekhabu khana “nicene creed” (Nicene leikaom hmalai christain hei taksenna dân) a hei mandonsôt a kae. An inhni rep a einin ƣong intheng shunga hmuphung mak me. Achang ravang Raleichung mihring tasem bekrup rakip in anta ta insena le chondân lekhabu ansem ah khan annei eat a , tak khahei rakip Pathen ƣong Inthenga anta hapsa hei kae.

Bek hlang tinga taksenna dân rabu kha heikhat ahapsa inchu Pathen ƣong Intheng kaneka katam rei-nok sik jo. Khana heikhat alosôt jon chu, Pathen ƣong inthengkanek katom rei nok sik jo. Bek hlang tinga taksenna dân rabu khan ƣong Intheng ka-e mak alei joa jon chu kham heite kanem mak kae, ajarchu einin ƣong Intheng kha nilei nei jo. (ƣongphong 22:18-19, Galatins 1:6-9), mi inkhat in heikhat ahap sa'nchu, hiva lekha shunga hrithehei kha ama karâkna sik a Pathen in ahapsapêk sik kae. Khana hiva sânkathem dân rabu ƣong heia inphut mi inkhat in heikhat alosôt inchu, hiva lekha shunga a'nhri khôpui intheng leh hringna thing kara chen sik a inphut Pathen in ama chen alosôt pêk sik kae. ƣong intheng hi eini sik pui katluk jo kha kae (2 Timothy 3:16,17), ƣong intheng hi dân pui katluk (James 1:25), khan tuachang innum ƣong kahrile khan Pathen ƣong kha hri rasoh (1 Peter 4:11). Khava jârra Pathen ƣong intheng kachang mak ratha neina lekha bu alek heite omthei mak ning. Raleichunga bek ƣong hlang ting hingja inthen khui-a kaom jo, hiva mi he'n Pathen ƣong anta jui mak chang mak, tâkkha mihring dân kha Pathen dân kapô tak a asem jârra kae. Bekrup rakip in anchon theinasik dân anta nei/sem eat sik kae anti. Hiva tina chu anmanin Pathen ƣong intheng kha andalon jo. Eini ngêkna pen chu, mihring tasyem dân kha dalon inna Pathen ƣong intheng a hong inle jo ruh. ƣong intheng in eini athenkhui mak ning, khana Christa Jesu-a pumkhat aman chang sik me.

Rôngpu Pathen bekrup hei taksen dân kha hei mo? Eini kahûk inhring-sik tute ommak, tâkkha Christa ninei, eini taksenna dân heite ommak, tâkkha Pathen ƣong intheng ninei. Bek hlang tinga mandonna le singna hei hi anem-na kase kae. Binga Pathen ƣong intheng inlethei tute ommak hei, nikhenga Bible hi ninei eat a kae. Mantheina kha einin nilei taksen jo, khana mi lak

hei niman thei hei-a kae. Eini ngêkna khachu, anikatlai Bible hi teime sona inthemchuk hri. (John 5:39, 2 Timothy 2:15), antathei kapōa hmun rakip a kaom hei hneng malâr nasik tak antlo sik-chea kader che.

Nitajui T̄ong intheng lekharabu kachang mak lekharabu alak heite ommak. T̄ong intheng lekharabu leh an-ang rep lekharabu anzet tor sik mi vânhnoi-a kaom sik ti taksen tor mak ung. Khang kapo lekharabu sunnasik Pathen in ratha neina alei pêk sik ti-um taksen mak ung. Rathla intheng in mi inkhat neng khang khava lekharabu sunna sik rathahuk alei pêk sik ti-um taksen mak ung.

Pathena inphut kahong t̄ong kha Pathen t̄ong ruk kha kae, khana Pathen kaphuk masakhumma inphut, ama khan eini ahuk manhring sik me. Khana t̄ong intheng vâng anchai ning kani t̄ong ațan sik (John 12:48). Akadik kha taksen rong niti jon chu, akadik sukna hmuna kase sik che kae. Khava jârra akadik taksenna sik hi, nangin akadik kha nakor vâng nathei sik kae (Romans 10:17). Raleichung Bek hlang tinga amalung kahlut mi katam hlang hen, an hon mathlâk hei hi, heite ngakna sik ommak. Khana raleichunga Bek hlang tinga hrup-rup kasōk khana inmakna hingja chung a inpir sik um chang mak. Pathen kaneka mihring ratha râtna leh inthōpuina anmadu chet a kae. Bible mantheina chang loa mihring mantheina a anmalung kahlut chechet jo. Hukmanhring chen rong nati achang inchu Bible a hongle sik che kae.

Bekrup dikna manhret theina sik mathona napêk sik hei kae. Raleichunga syemthu bekrup hingja kaom hei. Bekrup kadiktak kha kho mo kachang sik? Hiva syemthu bekrup rakip sika anthem chuk sik me mo? Kha chang mak, bekrup chung a akadik kahri lekharabu khan inle sik me kae. Pathen bekrup inn chungchanga anthemchuk jon chu, t̄ong intheng mantheina kajui akadik tak bekrup merchikna sik malung inhrimna heite ommak ning. Mi inkhat in hukmanhring achentheina sik, akadik hlam jon theina sik mathona nipêk sik kae. Mihring hei mantheina dungjuiya mi inkhat hukmanhring chentheina hlam katamtak kaom, tâkkha tumo inkhat in Pathen t̄ong intheng a ahei hlut pha, hukmanhring chenna sik akadik kha athei sik, ataksen sik, asetna inphut amalung athleng sik, Christa kha ahri sôt sik khan aset sopmanthengna achang theina sik tui kahlut sik kae (Mark 16:15,16, Sonlehei T̄onțlo 2:38). Mihring hei tahri leh hei mo ankhe na? Rōngpu Pathen hi ni hukmanhringpa kae, hukmanhring chenna sik ațong katheiya t̄on vâng amalâr sik kha kae.

Pathen kamûkna chungchanga Bible ah ahong inlena sik mathokna pêk sik kae. Mihring hei tahri kapōa, Pathen kamûkna hlam alak-lak ommak. T̄ong intheng in hlam inkhat ruk apêk me kha John 4:24 in ahri manchen pêk me. Hiva chungchang ruk chang loa, hringna nichen theina sik, mi kadik

nichang thei na sik, khan akadik chungchanga Bible dungjuia nichon theina sik mathokna nipêk sik kae. Mihring hei mandon-na ah, Pathen tong intheng hi manhret thei mak me, akhenga manhret tor mak me ti hi dikmak a kae. Asetna inphut inhmang nasik satan'in mihring inkhat shunga ton ranak a atlo sik kae. Takkha hringna achenna sik tong inthenga honle sik, ataksen sik, khana bek tinga ama kathui lele pa aman chang sik kae. Khava ruk khan aman hringna anei sik khan Pathen maikunga akadik kachang sik.

Eini taksen dan kha hei mo? Jesu Christa leh ama tong intheng hi kae. Ama chang lo alak heite ommak. Jesu Christa hi Pathen Sapa kae ti nitaksen khan atong intheng kha achaina kae. Einin Amaruk kha nirahlang khana nitaksen. Milak hem mathokna nipêk hei. Mihring hei tasyem taksen dan khan hmun inkhat a athoi sik che, khachu meikhur a. Jesun ati, "kei hlam kha eng kae, kei kadik khaeng kae, kei hringna eng kha kae, keiya teiloa tute pahneng semak (John 4:16).

## TONGDER HEI

### **Kadik tonga mason roh:**

1. Taksen dan kha hri manchen roh?.....
2. Mihring tasyem bekrup (denomination) rakipin heimo anta tlo?  
.....
3. Tong intheng shunga kahapsa khana kalosot mihe'n heimo antachen sik hri roh.....
4. Pathen Tong intheng hi pui katluk mo?.....
5. Pui katluk inti kha hei mo?.....
6. Hei khonga mo einin tong nita hri sik?.....
7. Taksen dan ahlop khana tong neina ahlop ini sik darkar kachang mo?.....
8. Hei jara mo tuningchu raleichunga bek tong hi inthenkhui?  
.....
9. Tong inthengin athenkhui sik me mo?.....
10. Rongpu bekrup sik-a taksen dan (mantheina) kha hei mo? .....
11. Nang binga mandona khan pui katluk tor sik mo?.....
12. Nibi binga tongmanhlet nasik ratha ninei mo?.....
13. Bible ( tong intheng) le an-ang lekha rabuk kasun tor nikar-a kaom ri mo?.....

14. Pathen in mi inkhat hneng ʔong intheng le an-ang lekha rabu mazet a khava lekha kha bible (ʔong intheng) kae tina sik ratha apêk mo? .....
15. Pathen ʔong kha khonna inphōt ankhong mo? .....
16. Hei ʔong inmo anchaining kani a aʔong atan sik me? .....
17. Akadik kha hei mo?.....
18. Tu hnenga inphut mo mihring in inthōpuina achen?.....
19. Bekrup dikna kha hei lekha rabu anphut mo anthemchuk sik me? .....
20. Hukmanhring chentheina sik hlam kaom mo?.....
21. Mi inkhat in hukmanhring chenna sik ʔong inthengin heimo aman thei me?.....
22. Mihring hei kamûkna shunga heimo ahman tlo hnōm hei kha ʔong inthengin amalâr sōt mo? .....
23. ʔong intheng hi manhretthei mo?.....
24. An-ang hrepa nikhenga, ʔong intheng nimanhretthei sik mo? .....
25. Marvan hluttheina hlam kha tumo?.....

## **LESSON TWELVE**

### **BEKRUP HONGSŌKNA THUMING**

Sonlehei tōntlo 2 hin bekrup /rengam hong inphuntsōtna hmun kha apêka kae. Pentecost kani achang jârra Jerusalema sonle hei khana jathlop –hlop hingja lentup hei, khana manhret loa anchunga rathla intheng kasip phet jo hei. Khava pha, Peter in kangir sôt a mipui hei hneng rasa inhnak tak a ahri, sankathem Joel talei hri sôt kha hōi hong katlung jo kae. Christa kha lei kathi jo, khava jârra anchai ning kani ahei phut jo kae. Malung thlengna leh set in-ngei dam theina tong anlei hri. Khava tong inhri kha antheia, tui kahlut heia rathla 3000 kapo hukmanring anlei chen, khana Rongpu'n abekrup shunga alei hap-sa hei. Khana tong intheng kha Jerusalema inphut Judea ram pumpui, khana Samaria, khana achaina penna vânnoi ram pumpui, chung leh noi-a kaom Pathen khutsyem rakip in inthei mak karseng lei kahlon leleh joa kae (Sonlehei Tōntlo 1:8, Matthew 28:19,20, Mark 16:15,16, Colossians 1:23).

Sonle hei pha shunga bekrup leikakhangsôt a kae. Paul in ataksenna a'nthek a inphut missionary tōn hmun inthuma leikase, Jehudi hei neng rok alei hri sôt chang loa jathlop (Gentile) hei hneng am alei hria kae. Khava jârra, Asia leh Eaurpe shunga mihring hingja Pathenna ahenthui (taksenna anthek) manhlut hei khana hmun hlop-lopa inloikhomna inn hingya anleiphunsôt a kae. Tâkkha hiva hi akabeitêk leichang mak, sukmanrimna khōdengtheina hingya anhei ratō ah kae. Jerusalem bekrup chung, khava kani a inphut khōdeng theina inphut joa kae. Hiva jârra hin, sonle hei kha hmun rakipa kase heiya tong kha anhrile joa kae (Sonlehei Tōntlo 8:4). Pha chomkhat kahunnga, Rome vaironna shunga kasōk tōnse rakip chirstain hei tōn tlo kae ti mo anlei pêk hei, anchung eat a tanti anlei pêk hei, khava kha Rome vairon shunga rehui kapōa anlei hmang kae. Achaina penna Paul kha Jail shunga anlei khum khana atong tanna sik Rome ma anlei thui jo. Tuhming lekha kasun hei tahri dungjuia, John changloa alak sonle hei seng Christa jârra anlei tha hei...Mihring lising lising raya hingya Christa jârra anhringkhō anlei manhmana kae.

Khodengtheina hingya anlei ratō ravang, hmun rakipa abekrup hong kakhang chechet a kae. Khōdeng theina khan bekrup asuk manhmang changmak, bekrup shunga mi kathamak, mantheina kadikmak kahri hen ansuk manhmanga kae. Akathamak inkhat kha ahon larmak karseng khana achaina re-indōina aommak karseng khava kani kha yung tung mak hi ning tia Paul in aleisan sôt-a kae. Inkhat ting ni-en achang inchu, bekrup shunga mi hingya ankanung anle sik hei khana akathamak hlam let ting kase sik hei kae.



Ni-Rōngpu Jesu Christa ajōngna sik leh einihe inpunkhōma ama leh ni'nchunna sik chungchānga: Sōpuihei, kahei ngek chei kae, Rōngpu kani kha jōng katlung jo tia sânkathem inkhat in asânsōt innum kabeitak a inhmak mak ruh a-ema leh malung manrim mak ruh. Khana keini hei taheimazet anti'num kabeitak a taksen mak ruh, ÷imak ruh. Tûte'n hiva chung hin hōn-mathlâk mak chei rasoh. Kathiram kahlō sik akaṭhamak inkhat hmeikhura akahlut sik a mantluksa kha ahon'lâr mak kârseng khana achaina re indōina a-om mak kârseng, khava kani kha jōng tlung mak hi ning. Ama khan kamûk neinâk rakip leh Pathen inti hei kha ahonghōt sik hei, anchung katōngpena ama abinga hong ka-om sik a kae. Pathen bek-inn shunga kapha kahlut sik khana in-ong sik Pathen a'nchang sik kae. Mandon sōt mak chei mo? Hiva rakip hei hi nileiom saplai khan ke'n kalei manthei jo chei. Achang ravāng khava ahong kasōk sik kha, akakhâm heikhat laka-om, khavakha nangni'n hei-achang nanmanhret. Aphahrep a akaṭhamak inkhat kha, ahong inlâr sik kae. a'n-ip Ṭhatmakna khan tûnhin ÷ōn atlodek jo, khana khava akakhâmpa inkhat kha amantlûkna inphut a'nkeisōt mak kârseng, ahong kasōk sik omchen kha lahong sōk mak ning. khava sō leh akaṭhamak inkhat kha jōng inlâr sik, tâk Rōngpu Jesu ajōng pha leh abei-a akahu vāng atthat sik khana a-omna vâk kadi rik-rak vāng asuk manhmang sik jo. khava akaṭhamak inkhat kha seitan ratha leh inṭhōia kajōng sik, ama'n akadik mak ÷ōn-inlak leh dethla hingja atlosōt sik. Khana a'nhmang sik hei chung a ṭhatmak rakip kha hōn mathlâkna ahmang sik. Anmani a'nhmang sik hei kae ajârchu anmani'n anhring theina sik lungsetna kadik kha leirahlāng mak hei. khava jâra anmani'n akadik mak kha antaksenna sik akadik mak ratha hratna kha ankâra ÷ōn katlo sik Pathen in ajōngtîr kae. khava kara chu, akadik kataksen mak rakip hei, setna shunga kahōia kasak rakip, maset antachen sik kha kae (2 Thessolonians 2:1-12).

Ephesus a kaom bekrup upa hlankakei hei hneng hing hin Paul in ahri. Khava jâra nanbing et leh rathla intheng in nankhut chung a anganse jo chei rup-hei hi kaṭhatak a ching jo hei ruh. Asapa thisen jâra atâ amanchang jo, Pathen bekrup sik akemōng kakhem chang ruh. Kadahlon chei kahnunga nankâra kahne kahrāng heikahlut sik hei, khana kemōng rup kha that loa damak hei ning ti hi kamanhret. Nanrup shunga kalan a mi ṭhahrep in takkasenhei kha ṭhōisōtna sik a maleisei anhonghrina sik pha kha alakahong sik kae. Khava jâra insing thei ruh, khana kum thum katluk set, sûn leh jân tiloa hmit-rathli pum a nangni inkha-khat mantheina kaleinei chei kha mandonsōt ruh (Sonlehei Ṭontlo 20:28-31).

Christa kanung kajui her kara hlam let ting anikathui sik hong kaom sik

ti Paul in aleiphongsōt. Malai-a thuhming lekha rabu kasun hei in ataksenna antheK ankârra hong kasōk sik hei khana anmanin raleichunga vaikaron hei, loi-rup khana bekrup hei chungA tōn kathamak ahei tlo sik ti anlei mazet. Rōngpu mantlukna khachu hrup rakip ningle nomma kaom sik hei kae, hrup inkhat a kaom upa hlam kakei inkhat in hrup lak lak hei chungA tōng neitor mak ning, khana upa hlam kakei inkhat chungA hlam kakei inkhat in tōng neitor mak ning. Kum leh pha kathleng dungjuia tūnchu mihring malung mondona um hong inthleng jo, hlam kakei upa inkhat in hrup hlop hlop hei chungA, bekrup inthōpui hei (deacons) khana upa hlam kakei hei (elders-pastors) chungA tōng neina ratha anhong pêk joa kae, achaina penna hlam kakei inkhat in hrup hingya ansui nasik khana raleichunga hrup kaom rakip chungA hlam kakei inkhat ruk in a-ensui sik kae ti dân anhei sem sōt jo. Hiva hi jânkhat a hong kasōk chang mak, kum leh thla hingya kanunga hong kasōk omchen kae, 606 AD radona, Bekrup hlamkakei achang mak le Pope inti hi rup ahlopa anthon hei hlam kakei (alu) anhong manchang joa, khava Christa Bekrup inphut katlansōt hei tuningchu Catholic Church ti nimanhret hei kae. Pathen bekrup kha hei mo kati jo? Taksena kachet hei seng nitinna bân kanei a lentup hei tak kha Pathen intēpna dungjuia arengam /bekrup khachu kumsot-a kangîr thak sik kae.

Raleichunga bek hlang ting ni-en kârra Catholic Church in vai aron joa kae. Khava jâra, phât le kum kasot tak vai anlei ron khana anthim juk ti manhretna anlei nei. Hiva ajârpen kha chu micham hei in Bible antateisōt sik leinom mak hei ajârchu thempu hei ruk in antei sik khana anmani ruk in anmanhret theia kae anti, khana Bible-a ansun (anzet) tōng kha mi-lak hei hneng a'nthei sik a anmani hi pui katluk hei kae anlei ti. Intheng khat-a, hiva hi anmanhret inchu katha sik anta ti ruk kha anlei manthei heiya kae.

Khava pha, Roman Catholic shunga inhnia lenthen khui, khachu Rome le Greek, ajârchu anmani inhni kârra tuihlut leh kamûkna shunga khutsyem kare chungchanga mantheina khan malung intuk makna anlei nei. Kum leh pha kathleng dungjuia Roman Catholic hei in mantheina kadikmak hingya anhei hapsa jo. Achaina penna, 1500 AD radonna Roman Catholic athat- makna mantheina dân hlang ting le nunchen pui ahong tluk jo pha, Martin Luther thempu inkhat kachang mipa hin bekrup ather-a semsōt nasik ahei mandon jo. Ama kha Roman Catholic Church inphut anhnong sōt jo, khana aman khava bek-inn kha alei dahlonna aman kadik tia ataksenna kha kalon lele ah ahri le jo. Hiva anphut einin nimanhret sik reformation movement (semmanthatna sik Tontlo leitlo), Protestantism (Roman Catholic madumak jâr a ahlopa inrōnna) (khana tuning einin nihmanhret thei sik inkhat denominationalism (taksen dân ahlop hlop rahming, Bekrup hlop hlop rahming) inti hi hong kasōk kae. Martin-

Luther in Bible dungjuia semsöt nasik hingya tōn alei tlo tâkkha anmani hei in hiva chung a pui lei mantluk kator mak ho heia kae.

1700 leh 1800 radona Europe leh America kaom mihei in ankar a inthenkhuina leh inmakna kaom chungchanga rathasin anlei nei her jo. Bân kanaitaka mantheina kadikmak inhei dahlon joa khan Bible mantheina ting honle jo hei. Anmani tamadu khachu bekrup ther phunsik leichang mak tak ÷ong intheng shunga nihmusöt BEKRUP khan inle nasik kha kae. Khang khan anlei tlo söt joa, khon-na inphut intheng tak ÷ongtepther dungjuia kaom Christain (akataksen hei) changtheina sik mihring hei mantheina kadik mak a inphut hong kasöksöt jo heiya Bible kha anmani kathui lele sik le chonna sik dân kha anlei manchang jo.

Christain hen Vânhnoi ralei pumpuia mihring rakip hneng ÷ong kadik kha anlei hri, khana Poland, Russia, India, Africa leh hmun hlop-hlopa anthengtak bekrup kha anlei hmu söt a kae. Tuning akaom bekrup hi khava phât lai-a inphut alei kaom jo kha kae. Hiva bekrup hi Bible shunga nita hmu bekrup kae ti anphutna leh ahong sōkna jongsik um chang dek mak. Bekrup mer manhmuna chu Bible hi kae, khana eini Christa kahnung nijui kâr-a Christa bekrup kachang sik me kae. Hmuchi kha Pathen ÷ong kae (Luke 8:11) khan sonle hei phât laia kara alei nei kapōa tuning um kara anei a kae-khava kara khachu christain khana Christa bekrup members hei hi kae. Pathen rengam kha kumsota kangir that sik kae ti nimanhret. Bekrup hi hong inphutsöt ninga inphut hong kaom jo kae khana ama hi kumsot a kaom sik jo kae, mihring achanga satan achanga sukman hmang nasik ratha neitor mak hei ning. Hiva hi Pathen rengam kae, abekrup, inphutbia inphut anchai katlung re ahei tor thak, anchaina penna kakhe chat-a Pathen leh kaleng som sik hei.

## **÷ONGDER HEI**

### **Kadik ÷onga mason roh:**

1. ÷ong intheng shunga khon hin mo Pathen bekrup anphōnsöt thuhming nitei?.....
2. Hei khopui shunga mo anphōnsöt?.....
3. Khava kani ning mihring heiya mo anhapsa hei?.....
4. Khon khon mo ÷ong intheng anlei hri?.....
5. Paul in missionary ÷ong khongya mo leukase?.....
6. Paul in jehudi hei neng ruk ÷ong alei hri mo?.....
7. Paul tōntlo jârra hei ram inhni a mo bekrup lei anphōnsöt?.....
8. Hmun hlop-hlop a sonle hei khan anlei tlansöt pha hei mo anlei tlo?

- .....
9. Pathen bekrupmkha tunmo asuk manrim?.....
10. Anmani tâksenna jârra sonle heiya mo anlei tha hei?.....
11. Khodengtheina anratu ravang bekrup kha leikakhang sôt mo?.....
12. Kani hnung inṭong ting heimo hong kasōk sik tia Paul'in alei hri?
- .....
13. Bekrup a sukminrimna heikhong mo ahei inphut? .....
- .....
14. 606 A.D a hei omchen mo kasōk? .....
15. Pathen bekrup kha hei mo kachang jo? .....
16. Phât le kum kasôt tak kahnunga “anthim juk” hei jâra mo anleiti?
- .....
17. Khonga bâk (chak) inni a mo atholic church lenthengkui? .....
18. Catholic church avea semsôt rong kati pa kha tumo? .....
- .....
19. Hei jârra mo avea semsôt nasik alei tlo? .....
- .....
20. Khava kanung a hei nunchen mo hong kasōk? .....
21. Bible dungjuia anle sik me kae ti kha pui leikatlu mo? .....
22. 1700 leh 1800 a hei nunchen mo kasōk? .....
23. Bekrup mer manhmuna Bible dunngjuia anle sik me kae anhei ti-  
pha anmanin bekrup ther anlei anphōnsôt mo? .....
24. Anchim bing bekrup kha christain hei raleichung hmun hlop-a an-  
lei anphōnsôt mo? .....
25. Akadik tak Christa bekrup kha tuning lakaom mo? .....

## LESSON THIRTEEN TÛNLAIÁ BEKRUP

Tuning ni-omna bekrup hi kum 2000 maklai-a lei inphōnsōt Rōngpu bekrup kha kae (Sonlehei Ṭonṭlo 2). Tâkkha heikhong mo hi kachang theisik ti ṭongder nanei thei? Ṭongtephther ah bekrup sik a mantlukna(tlodan) anpêk kha nijui pha hei rakip kachang thei sik kae.

Mithahrep hen tuninga niomna bekrup hi Rōngpu Pathen taphōnsōt bekrup kae ti hri manchen nasik khana ahong sōkna kungpui manhret manchen theinasik kum katlengsa hingja ah anphut in pentecost kani katlung ah anhei en-na kae. Achang ravang, hiva hi dikthei mak. Amankeipenna, Rongpu'n ati, arengam or abekrup heituka inhmang mak ning, aheitika akaom thak sik jo (Daniel 2:44, Luke 1:33, Hebrews 12:28). Hiva tina chu bekrup hi alei inphut bia inphut raleichung hmun inkhat a alei kaom jo kae. Pathen taphōnsōt kae ti mandikna sik raleichung hmun inkhat-a avea phunsōt sik chang mak joa kae. Einin MUCHI, Pathen ṭong kha ninei (Luke 8:11) inhmang mak nasik ṭongtephther-a antada khang kapō Pathen ṭong kha kae. Sonle hei pha shunga christain hin kara alei nei achang inchu tuning um christain hei kara anta nei sik kae. Sonle hei pha shung christain (akataksen) hei khan bekrup anleisyem achang inchu tuninga akataksen hei um bekrup antasyem sik kae. Kha-achang jârra ṭongtephther omna hmunna Christa bekrup um kaom sik kae, ṭong intheng in akataksen hei tatlo sik ṭōnhmun kha aman thei sik hei.

Pathen in amihei tajui sik Marvanna inphut hlim leh rahle alei manhmu hei. Noah rakōng asak nasik hlim leh rahle alei pêk (Genesis 6) Moses hneng bek-rabuk syemnasik hlim leh rahle aleipêk, thempuhei ṭōn leitlo kha kadiktak a chu marvâna omchen alim leh rahle inkhat antamanchu kae. Moses taleitlo omchen kha'm khava kapō kae. Antheng bek-rabuk kha amatung sik pha, Pathen in moses hneng, “tlâng chungá manhmuna che rakip kapōtak a asyemna sik mantluk roh,” ati (Hebrews 8:5). Atunchu ṭongtephther a bekrup chungchang a pui katluktak Pathen manhmuna (rahle) kha nihmu. Noah leh Moses in Pathen lim leh rahle marvana inphut manhmuna apêk hei dungjuia ṭōn anlei tlo kapōa ṭongtephther dungjuina mantlukna khan bekrup hi akaom sik kae. Noah leh moses in rakōng leh antheng bek-rabuk kha Pathen in marvâna omchen alim leh rahle inkhat anta manhmu hei kapō tak a anleisak khan Pathen malung lei katlaia kae, khava le in-ang hrepa tuning ah bekrup hen Ṭongtephther a anpêk alim leh rahle ( tlođân) kapō tak kha anta jui sik kae, kha achang inchu Pathen malung katlai sik khana ama lungdo dungjuia kaom bekrup kha kachang sik, heite hapsa lo khana lo-um losōt loa (Ṭongphong 22:18,19).

Bekrup manhret theina merchikna rakip inchen senga Ṭongteptther a ansunna kaom jo hei. Bekrup hi heimo kae ti Pathen in amanthei me, tunmo aphunsōt, khonmo anphōnsōt, hei pha mo anphōnsōt, hei vanga mo arahming nimanhret, bekrup bâk rahming hei, bekrup bâk heikhong mo kachang thei sik me, bekrup kamûkna, khana atōn tlo. Tumo alu ti ahri menchen pêk me, aman heiya mo arachok, bekrup kahuksōt pa kha tumo. Ama hi heimo khana atōn tlo hei kha heimo ti heite malung inche kei-okna ommak. Pathen ṭong hi inchentlang kapōa bekrup chungchang lim le rahle anpêk kha anchentlang kae.

Akadiktak bekrup nimanhret manchen theina sik Bible anchu sik me kae. Einin Bible ninchu kârra, akadik kha nihei manhret sik, tōn vang nihei jui sik, khan Christa bekrup bâk inkhat kachang sik me, khanchu akadiktak bekrup kha kachang sik me. Hmuchi-bechi leh kara kanei thing leh ro ajat kaka-pa amajor kapōa tuning um hmalai-a bekrup kapōa Pathen ṭong inthengin christain leh bekrup mipui (members) amajōr sik kae.

Raleichung hmun rakip-a Christa bekrup anleihmu thei sik. Ajarchu ama hi hmun rakipa kaom kae. Bible mantheina kha anjuai achang inchu bekrup hi hmun rakip leh pha rakip-a anphutsōt thei kha kae. Pathen lungdo kha mihring hen anhei jui mak pha bekrup kha inhmang sik kae.

Christa bekrup hin Bible mantheina dungjuia achon jârra tuningchu inrang taka khangsōtna anei khana hmun rakipa anhrimanthang joa kae. Christa Bekrup in Bekrup shunga inthenkhuina ahōt her, khana Christa kha akadom manshanga kae. Ṭong Inthenga nitei sōt Bekrup inkhat kha hiva Christa Bekrup hi kae. ama hi taksen dân ahlop hlop rahming (bek hlang ting inthen khui), ahlop â-omrina, ama ama rup rangeimanlûrna, changmak-a kae. Kha achang inchu hei jo mo? Kabeitek a khachu Rōngpu Pathen bekrup kha kae.

Christa bekrup in Raleichunga alu achang mak le rup hei akaronpen ṭōntlo na hmun ommak a kae. Christa Bekrup in mihring tute inkhat bek kadom manshang mak a kae. Mihring singna dungjuia chondan (inronna) om mak. Rup rakip in anrup shunga kaom upa hlam kakei, bekrup inthōpui (dikan) hei, ṭong kahri hei khana member hei leh inthoia anbi binga kachon sik hei kae. Hiva rup hin (clergy) alu kachang an-om mak jâr-a Member inkhat in alak member kaneka chung kadom inshang thei mak ning. Christa bekrup in pha rakipa anduipui kaom hei, tuning um andui pui hingya kaom hei. Raleichung a bek hlang tinga rup hingya hei tamadu hrepa kase theimak sik bekrup inkhat alichang jo jârra anmanin leinum hnum mak hei. An inloikhom thei mak jo jârra Bekrup chung a'nhnuk leikana her khana Pathen

ṭong kha leh injom thei mak jo hei ning. Anmani'n mihring mantheina anlei jui lai, Bible mantheina dungjuia kase mihring tharep kaom hei ti anlei manhret a kae. Bible shunga kaom bekrup in Christa kahnung ajuj khana Christa rahming invon (insi) ti anlei manhret tâkkha anmanin mihring hei mantheina anlei jui khana mihring rahming lenvon heiya kae. Christa bekrup kaduia rephu antahmang kha dikmak, tâkkha mihring shung akadikmak lungthim anpêk hei, akathamak man-enna, etc, tâkkha antōn tlo kara kha anemna kase kae. Kumsot-a Pathen bek-inn hin re rakip ahei tor thak-a kae. Raleichunga ama andui pui hei khana meikhur shunga kathamak satan hei rakip in khamtor mak hei ning. Asira kaom hei le ni ansap achang inchu katom tekhei kae, takha mi katlom tek hen hukmanhringna anta chen sik kaeh (Matthew 7:13,14). Christ'n bekrup inkhat anei, khana khava bekrup inkhat sika vanhnōia hon le nok sik kae (Ephesians 5:27, John 14:1-6). Christa hi rengam rakip hei reng kae khana pa neng rengam apêksōt nasik alaka-jong nok sik kae (1 Corinthians 15:24). Aman mōi inkhat anei (Ṭongphong 21:19) khana khava mōi karatu sik ama hong inle nok sik kae, khachu ama rahming anvon. Alak heikha hei mo kachang jo hei? Aman anhnenga ati sik, manhret mak chei eng, kahnenga inphut sesōt ruh, mi kathamak hei, khana akathamak rakip aphoisōt sik (Matthew 7:23, 15:13). Anmani kha khôm manchun heia Mei shunga hlon mathlâk sik hei kae.

Tuning keini ngekna chei khachu akadiktak Ṭongteptther shunga kaom chirstain inkhat changsik. Pathen ṭonga inle sik kha ama kha nang kathui hlam kakei kachang sik. Bible kha katha-a manhret roh khana nang in akadik kha namanhret sik. Anhri ṭong kha tōn vâng tlo sōt roh khan nang hukmanhring kachang sik che khan ṭong inthenga nitei kapōa Christa bekrup a anhapsa sik che.

Christa bekrup bâk naleichang mak jo achang innum christa taksa bâk inkhat nachang theina sik mathokna honpêk che kae. Pathen-a taksen roh, nasetna inphut malung thleng roh, christa hi Pathen sapa kae ti namalunga nataksena kha nabei vâng phongsōt roh khana hukmanhring nachang nasik tuivâng baptize inhlo roh (Mark 16:16, Romans 10:10, Sonlehei Ṭonṭlo 2:38) kha achang inchu Rōngpu'n abekrup-a ahapsa sik che khana chirstain kachang sik jo che (Sonlehei Ṭonṭlo 2:47, Sonlehei Ṭonṭlo 11:26). Nang um tui kahlut nōm che mo? Tu inkhat in force atlo mak hei rasoh. Tâkkha nanging na Bible natei inchu chirstain hong kachang nōm sik che khana na ringkhō om karseng Christa rengam shunga Christa le lengsōm nasik leh arengam khangsōt nasik ranak-a ṭon nahei tlo sik ti inhor eng.

## TONGDER HEI

### Kadik tonga mason roh:

1. Heitik a mo bekrup anphōnsōt?.....
2. Tuning bekrup kaom mo?.....
3. Bekrup hi kaom tina sik mi inkhat in akasesa pha hingya heiya inphut ajong sōt sik mo?.....
4. Kum heiya mo rongpun bekrup kha kangir sik alei ti?.....
5. Rengram muchi kha heimo?.....
6. Tuning muchi kan hei kara mo anei?.....
7. Noah le Moses hneng pathenin heimo alei pēk hei?.....
8. Christa bekrup man-enna lim kha khonmo kaom?.....
9. Christa bekrup merchikna hei kha khonmo ada hei?.....
10. Bekrup chungchanga rongpun heimo amanthei me?.....
11. Tong intheng dungjuia akadik bekrup kha heikhong mo nimanhret thei sik?.....
12. Christa bekrup kha khonmo nimu theisik?.....
13. Hiva bekrup hi loi-hlop lopa ankhuithen rup kha mo (denomination)? .....
14. Raleichunga bekrup lu (akaronpen) kachang kaom mo?.....
15. Bekrup kandoi pui hei kho tuhei mo?.....
16. Anmani hei hremrei (khutlai) kha heimo?.....
17. Kum le juk rakipa bekrup khan re ator thak mo?.....
18. Hei sir jârra mo Christa hon le nok sik?.....
19. Eini ngekna kha hei mo?.....
20. Christain khan Christa bekrup chak chang theinasik tōnhlam hei kha heimo ajingte sun.....

### Kadik dikmak rih roh:

- Kadik/dikmak 1. Christa tasak bekrup kha tuning um kaom.
- Kadik/dikmak 2. Akadiktak bekrup inkhat kaom.
- Kadik/dikmak 3. Aman Christa rahming invon.
- Kadik/dikmak 4. Hukmanhring chennasik christa bekrup châk kachang sik kae.
- Kadik/dikmak 5. Christan abekrup jârra hongle nok sik kae.